

مصطفى محمود



# الشیطان یسلن فی بیتنا



دارالمعارف

www.alkottob.com

شخصيات المسرحية

شيخ ابراهيم عفتور رجل محروك في الأربعين

علاء كاتبة اجراء مشهورة وبهاجعة ترقى المسرحية

مراووش اديب يمشي كشيخ عظيم

بِسْمِ اللّٰهِ الرَّحْمٰنِ الرَّحِیْمِ

بالحسان في مرة بورد المسرحية

الشيخ توفيق حويدي

مصمم الرسومات

الفرق لكل الفرق

للمر كتي العرق

الاجتماع في العرق

فلسفة في فلسفة

فلسفة في الفلسفة  
كتيبه

تسلسل اطفالا

الناشر : دار المعارف - ١١١٩ كورنيش النيل - القاهرة ج ٢٠٠٤

## شخصيات المسرحية

الشيخ ابراهيم طنطاوى : رجل صوفى فى الأربعين

سونيا : ممثلة إغراء مشهورة وصاحبة فرقة مسرحية

الفضل الأول  
دراويش ومريدين للشيخ طنطاوى

ادريس

اسماعيل

أحمد

بجى

عيسى

ماريكا

نانا

راقصات فى فرقة سونيا المسرحية

زازا

فانى

راشيل

توتو : مخرج فرقة سونيا

جيمى الفونت : مصمم الرقصات

جدو : المدير المالى للفرقة

أوتكل : المدير الفنى للفرقة

سوسو : راقصان فى الفرقة

بوسو

قوله تعالى

فجاءت عيسى بن مريم

فجاءت عيسى بن مريم

فجاءت عيسى بن مريم

فجاءت عيسى بن مريم

فجاءت عيسى بن مريم

فجاءت عيسى بن مريم

فجاءت عيسى بن مريم

فجاءت عيسى بن مريم

فجاءت عيسى بن مريم

### الفصل الأول

(صحراء جرداء .. لا ترى شجرة على مدى الرؤية .. تلال من الرمل ..  
أعشاب من الشوك والحسك والصابر .. كوخ من الحطب الخفاف والصفيح والحرق  
القديمة .. ثم لا شيء ..

الوقت نهار والشمس تلهب الرمال ..  
على البعد صوت عربة .. يتوقف الصوت .. نسمع صوت مارش يدار عدة  
مرات دون جدوى .. صوت المارش من جديد .. ثم لا حركة .. صوت باب العربة  
يصفق .. ثم صوت وقع أقدام تبخر على الحصى .. تدخل امرأة في الثلاثين في ثياب  
صيف مودرن .. ميني جيب يكشف عن ساقين مثل لعين سكر .. وبوت فضي ..  
بلوزة ذات ألوان ملفتة .. باروكة ذهبية .. خدان حمراوان من لسع الشمس .. في  
يدها نظارة نلوح بها وهي تبخر .. تلفت حولها كأنما تبحث عن شيء ..  
تجهه إلى الكوخ .. تقف أمامه .. تردد قليلاً .. ثم تدق بنظارتها على  
الصفيح .. لا أحد يرد .. تشجع أكثر فتدق بيدها).

يا أهل الله

(صوت من الداخل) مين

(بجرح رجل في الأربعين في يده سبحة وفي عنقه سبحة أخرى طويلة . ثيابه تدل على أنه من الصوفيين المتقطعين للعبادة . نظراته زالفة . يفاجأ بمنظر المرأة على الباب فيرتد خطوة ثم يفض بصره وينظر إلى الأرض)

- أستغفر الله . . أنت مين ؟

- أنا ف ورطة يا عم انجدنى .

- ورطة إيه يا ست ؟

- العربية عطلت منى ووقفت في عرض الطريق . . اعمل

معروف شوف لى ميكانيكى . . حابات في الخلا في وسط

الديبه إن ما عرفتش اطلع بالعربية من الصحرا المحروبة

دى . . أرجوك ساعدنى . . إنده على واحد ميكانيكى

أودلنى على جراج

- ميكانيكى إيه وجراج إيه وعربية إيه . . هى دى سكه

بتمشى فيها عربيات . . ده انتى في حته مقطوعة . .

صحرا على مدى الشوف . . مفيش مخلوق ولا دكان

ولا شجرة ولا عود أخضر ولا صريخ بن يومين . . ثم

فهمنى . . لانتى إزاي دخلتى بعريتك هنا . . ومفيش

طريق مرصوف .

- قالو لى دى سكة الشيخ إبراهيم طنطاوى ووصفوا لى

الطريق المهيب ده . .

- وعاوزه إيه من الشيخ إبراهيم طنطاوى .

- أنت تعرفه . . أرجوك دلنى عليه . . خدنى على بيته . .

ده أنا بدور عليه طول عمري . . دنا داينحه عليه . . جيت

له من آخر الدنيا . . نفسى أشوفه مرة واحدة وأموت . .

قالولى إنه يقرا الكف ويضرب الرمل ويفتح الفنجان

ويعرف المستخبي ويشوف البخت ويفك الأعمال ويحل

العقدة إلى ماهاش حلال .

- أنا هو الشيخ إبراهيم طنطاوى .

(تنظر إليه في دهشة وقد عقدت لسانها المفاجأة)

- أنت . . هو . .

(تنحسه كأنما لا تصدق . . ثم فجأة تقفز على صدره وتعلق برقبتة) .

- أنت الراجل اللى بجلم بيه . . أنت أملى . . لانت حياتى . .

(يتترع يديها عن حول رقبتة في عنف)

- إيه يا ولية الجنان ده . . نقضت وضوى . . الله

يكسفك . . أعوذ بالله السميع العليم من كل شيطان

رجيم . . أعوذ بالله من غضب الله .

(هى ما زالت والفة ذاهلة مفتوحة الفم في حالة فرح حيوانى . . ولا تلبث أن تعود

فتقفز عليه وتعلق برقبتة وصدره وتحتضنه وهى تهف في طفولة) :

- قالوا حابنكر إنه شيخ مبروك وحا يقول إنه راجل غلبان  
على باب الله . . وقالوا لي إوعى تصدقيه . . دى هي دى  
طريقة الأوليا المبروكين . . تواضع المهنة . . مش كده  
(في رقة) يا مولانا .

(تقرب منه في إغراء وهم بالقفز على رقبة مرة أخرى . . ولكنه في هذه المرة  
يخطف عكازاً غليظاً من على باب كوخه ويلوح به في وجهها مهدداً) :

- إياكى تقرى منى يا ولية . . خطوة واحدة وحانزل  
بالشمروخ ده على دماغك أددشه .  
(تراجع خائفة)

- يا لهوى .  
- ثم أنا مش فاهم . . إيه التهجم ده . . واحدة  
ما عرفلهاش اسم ولا رسم تهجم على . . وتخش بيتي .  
بيتك . . بتسمى المزيلة دى بيت . .  
مزيلة . . هو صحيح مزيلة . . لكن أحسن من المبولة إلی  
سيادتك ساكنه فيها . .  
مبولة . . أنا ساكنه في مبولة . . إنت تعرف أنا مين . .  
إنت تعرف إنت بتكلم مين بالألفاظ دى . .  
إذا لم تخنى الذاكرة فأنا أمام الست سونيا .

- إنت هو الشيخ طنطاوى بلحمه ودمه . . اقرصني في ودي  
عشان أتأكد إني مش بحلم . .  
- إيه يا ولية شغل الجنان ده . . إيه اللي بتعميه ده . .  
يا وليه ابعدي عنى أنا في عرضك . .

(يحاول أن يتخلص منها فلا تفلته وكلما استغفر أكثر شدت عليه ذراعها  
أكثر) . .

- أستغفر الله العظيم من كل ذنب عظيم . . يا محي من  
البلاء يا رب . . يا مفرج الكرب . . يا ولية سيبني في  
حالى . .

- إنت الولي صاحب الكرامات والفتوحات . . أنت  
صاحب الحجاب الجلاب اللي يشعل نار الأحباب . .  
(يستجمع الشيخ كل قوته ثم يلفها بعداً في عنف هائفاً وقد نفذ  
صبره) :

- يا ولية حللى عن وشي . . أنا لا ولى ولا صاحب  
كرامات . . ولا صاحب فتوحات ولا يضرب رمل  
ولا يفتح فنجان ولا أعرف مستخبي ولا أشرف خت . .  
أنا راجل غلبان على باب الله . . ابعدي عنى .

- بالضبط . . هو ده إلی قالوه . .  
- هو إيه اللي قالوه ده .

- رائع .. مدهش .. أول كرامة لك يا سيدنا الشيخ .  
- ولا كرامة ولا حاجة .. صور سيادتك منتشرة ع الحيطان  
في كل مكان .. أفشات متر في عشرين متر من هنا  
لبنها .. بشوفها غصب عنى على دكان الحلاوة الطحينية لما  
أنزل أشتري تموين الزيت والسكر كل ست أشهر .. مع  
فرق بسيط .. إن الصورة هناك عريانة ..  
- كده .. تبقى عرفت مين اللى بتكلمها .. وانها مش  
ساكنه في مبوله .. وإنما في قصر ملكى على النيل .  
- في مبوله شعبية وحياتك يبعدى عليها الزباين آخر الليل  
يريحوا .

(تم بضربه ولكنه يلوح بعصاه) .

- سافل .. (ثم تغير لهجتها فجأة إلى نبرة أفعوانية خيثة) .. ع العموم  
إنت اعترفت من لحظة إنك كنت بتبحلق في صوري  
العريانة في الحيطان زى الرجالة إياهم زباين المبوله .. كل  
الفرق إنك مش لاقى غير الصورة .. ومش طايل النسخة  
الأصلية يا شيخ يا خباص .  
- الحمد لله إالى شفيتنى على حقيقتى وعرفتى إنى شيخ  
خباص ، وعرفتى إنك غلطانة وإن مفيش هنا حد مبروك

ولا صاحب كرامات ولا صاحب فتوحات .. أظن بقى  
كل واحد منا يتطرق لحال سبيله .. (يستدير داخلاً إلى كوخه)  
عن إذنك .. سلام عليكم .  
- (تمسك به من ظهره وتشدده) إيه رايح فين .. تعال هنا يا شيخ  
يا خباص .. ما دمت سافل زى حاتهرب منى ليه ؟  
- (مستمراً في دخوله دون أن يلتفت إليها) ومين قال إنى سافل  
زيك .. أنا سافل صحيح لكن مش زيك .. أمثالك  
من السفلة هم سلطان والغرباوى والتابعى وأبو حلموس  
وغيرهم وغيرهم .  
- آه .. وعرفت أسامى عشاقى الخصوصيين كان .. أظن  
حاتقول قرئت أساميهم ع الحيطان وفي دكان الحلاوة  
الطحينية إياه إالى بتاخذ منه تموين الزيت والسكر . مدد  
يا شيخ طنطاوى .. أبو حلموس ما عرفتوش إلا امبارح  
ومفيش حد يعرف بعلاقتنا غير ربنا .. دى كرامة .. ده  
انت ولى بصحيح .. مدد يا سيدى إبراهيم يا طنطاوى .  
(الشيخ ما زال يعطها ظهره ويصر على الدخول في حين هى تشبث به  
وتلول ونحر راحة عند قدميه) .

- أنت قطب الزمان بعينه .. سامحنى يا مولانا .. اعف  
عننى .. اصفح عنى .. أبوس رجلك .. ما تسيينيش

يده في لا مبالاة واضحة . . . ثم يحاول أن يترعها فجأة كأنما لدغته  
أففى . . .

إيه خفت ليه . إنت بتحط إيدك كطبيب للتشخيص . .  
هو الطبيب ييزنى لما بيكشف ع اللحم العريان . . إيه  
رأيتك فى الليونة والطراوة دى . . إيه رأيتك فى الملمس  
الرطب المنعش . . شم الجيفة إالى بتقول عليها . . شم  
سحابة البارفان إالى طالعة مع كل نفس باتنفسه . . شم  
يا شيخ يا مغفل .

(الشيخ يلفها فجأة يده فتكاد تقع على الأرض).

- ابعدى عنى يا ولية .
- آى . . كسرت لى رجلى . . إنت إيه . . أتجنت .
- أعوذ بالله السميع العليم من كل شيطان رجيم . . أستغفرك  
يا رب وأتوب إليك .
- أحلف بيايه إن الصفقة حلقت فى عينك وطيرت لك  
عقلك . . (تضحك فى إغراء) أنا عاذراك الصفقة دسمة  
ومغرية جدًا . . عصفور فى اليد يا سيدنا الشيخ ولا عشر  
حوريات فى الجنة .
- (فى جنون وهو يسحب عليها عصاته) انجرتى من قدامى يا ولية . .  
مش عاوز أشوف خلقتك قدامى لحظة واحدة .

أرجوك . . .

- (يستدير الشيخ إليها ويرفضها بعنف من الأرض) . . .
- قومى يا ولية كفاية مسخرة . . إنتى عاوزة منى إيه . . مش  
مكفيك الرجالة إالى حواليكى . . مش مكفيك مليون  
مغفل بيصقفوا لك . . ومليون ترانزيستور بيهتف باسمك .
- صحيح مليون مغفل بيتمنوا كلمة من شفايفى . . لمسة من  
إيدى . . إشارة بصباعى . . صورة غريانه عليها توقيعى  
الشريف . . صحيح أنا عندى المال والشهرة والدنيا . .  
لكن نفسى أملك المستقبل . . نفسى أملك مفاتيح  
الغيب . . ولو مفتاح واحد من المفاتيح إالى عندك .
- مفاتيح الغيب عند الفتاح .
- حاعرض عليك صفقة مغرية . . حاديك حلم المليون  
معجب حلال بلال بين أحضانك (تفتح فراعيا وتمد شفتها  
وتحس صدرها لتروج البضاعة) وتدينى مفتاح واحد من  
مفاتيحك . . جالبه ليه حاديك حاديك حاديك . . كل  
أبيع الذهب بسعر التراب . . حاديك حاديك حاديك . .
- جسمى ده تراب . . بص كويس . . فتح عينيك .
- جيفة . .
- ألمس الجيفة (تأخذ يده وتمررها على خدها ورقبتها وصدرها) . . بترك



- ربي .. مولاي .. إلهي .. ملكي .. منقذى ..  
مخلصي .. سندی .. قوتي .. صخرتي في الأمور  
الشداد .. اصرف عني البلاء ونجني من الشيطان  
الرجيم .. اغفر لي خطيئاتي .. إلهي .. ملكي ..  
معبودي ..

(صوت سونيا من بعيد)

- بتنادي علي يا شيخ طنطاوي  
- اسكني يا ولية .  
- هم كان بينادوني : يا معبودي يا ملكتي يا مولاتي .  
- هم مين يا ولية ؟  
- المریدین .  
- الشياطين .. الكلاب .. ارجعي لهم .. إنتي منهم ..  
مش عاوز أشوف وشك هنا أبدًا .. (ساقطاً على وجهه من  
جديد يستغفر) .. مولاي اصفح عني .. إلهي .. اغفر لي  
خطيئاتي .  
- أنا جايه حالا يا حبيبي ما تعيطش .. قطعت قلبي .

(نراها داخله المسرح في مايوه عليه ثوب بلاج ونحمل في يدها شمسية بلاج  
وكراسي وصندوق مرطبات) .

- (ممثل عليه) يا دهوتي .. هربت دمي .. قلبي وقف ..  
آي .. شوف نبضي .. عندي سكتة .. الدنيا بتلف  
بي .. الحقني بشرية ميه ..  
(يجري الشيخ بسلاجة إلى زير بجوار الكوخ ويملا كوزاً من الصفيح بالماء  
ويعود به) .

- (تضع الكوز على لها ثم تبصق) إيه القرف إالى بتشرب منه  
ده .. دي بلهارسيا وانكلستوما وملح إنجليزي وزيت  
خروع ومية مجاري .. إف أعوذ بالله .. إزاي بتشرب من  
كوكتيل البلاوي ده .

- (الشيخ مبهوئاً) ده زير طاهر يا ولية .

- طاهر إيه يا شيخ ..  
إيه رأيك أجيب لك م العربية مشروبات .. قصدي  
مشروبات طاهرة برده .. ينسون مثلج .. وعرقسوس ..  
وكروية .. وحلبة .. مشروبات شرعية كلها على ضمانتي  
نشرب لنا كاسين في ساعة العصاري الحلوة دي ونفكر في  
الصفقة .. صدقني الصفقة دي مهمة جداً وما يصحش  
تبت فيها بسرعة .. نص دقيقة وأرجع لك .. استناني .

(تفلت مسرعة وتختفي من المسرح) .

(على حين نرى الشيخ يخررا كفاً ويمسح على وجهه التراب مستغفراً باكياً في

تضرع) :

(الرجل الصوفى ينظر إليها وقد فتر فاه . . في حين هي تبدأ في فرد الشمسية  
وثبتها . . في سرعة دون أن تلتفت إليه . . تضع الكرويين ثم مائدة من القماش . . ثم  
تفتح الصندوق وتخرج زجاجتين من التمر هندي . . تسرع إليه بواحدة) .

- تمر هندي وحياتك . . جلاب ميه في اميه ولا نقطة  
سبرتو . . اشرب وادعيلي . . إيه مالك واقف مكشركده  
زى بومه في خرابه .

- أنا مش عاوز أشرب ومش عاوز أشوف وشك هنا وإن  
ما غورتيش في ستين داهية أنا حاكسر المولد اللي عملتبه  
ده كله .

- طيب اهدا بس اهدا . . صبرك بالله . . الحلم سيد  
الأخلاق . . اقعده لحظة نتكلم . . نتفاهم . . خد شفطة

من التمر هندي برد قلبك . . ليه التزمت السخيف ده . .  
ليه تنفرتني من الصلاح بالخشونة والغلظة دي . . ليه  
ما تكسبنيش لصف التوبة بالإنسانية والمودة . . صدقتي  
أنا زهقت م الهلس ونفسي أرجع لحظيرة الفضيلة . . لكن  
مش بالأسلوب المنفرد ده .

(يجلس منهاكاً . . ثم يفهم مشيراً إلى لحمها الظاهر من ثوب البلاج) .

- ترجعي لحظيرة الفضيلة بال . . مايوه . . إزاي . .  
خطوة خطوة يا حبيبي . . مش معقول حانخدنا للتوب

الشرعى دفعة واحدة . : والامش حاتلاقى حد يشى  
وراك . . الدنيا اتغيرت . . وانت عايش في القرن  
العشرين . .

- وأنا ماني يا ستى ومال القرن العشرين . . أنا سبت لكو  
القرن العشرين . . وجيت أعيش هنا لوحدى في القرن  
الهجرى . . واللى عاوزنى يجيني هنا في القرن الهجرى .

- مش معقول يا سيدنا الشيخ ده مشوار طويل علينا خطوة  
خطوة . . إنت عارف الدنيا جرى فيها إيه . . رحت مرة  
إسكندرية . . شفت أكوام اللحم العريان ع البلاج . .

دى حاجة بتحصل دلوقت في أحسن العائلات . .  
ويمكن تلاقى لك أخت والأبنت عم بين العرايا .

- اخرسى يا ولية .  
خرست . . لكن خرسى مش حاجل المشكلة .

- أنا سبت لكو المشكلة . . وسبتو لكو خرابة القرن العشرين  
إلى ساكنين فيها . . وبنيت لى هنا عمار جميل مع ربي . .

- (في دهشة وهي تلفت حولها) عمار . . فين هو العمار ده .  
عمار القلب يا ولية .

- آه . . لكن ده عمار مش حايقنع حد . . عمار ما حدش  
شايفه . . اللي شايفينه إنك في مزيلة ما يرضاش بيها

- فوراً
- (تقف لفورها وتبدأ في خلع ثوب البلاج والمايوه على حين يصرخ الرجل الصوق ويلدير وجهه).
- يا حفيظ .. يا لطيف .. أعوذ بالله .
- إيه .. إنت مش قلت نفلع الملابس المتهتكة دى .
- أنا ما كملتش كلامى يا ولىة . أنا قلت تفلعى الملابس المتهتكة دى وتلبسى هدوم حشمة .
- فى الحر ده يا برهومى
- يا إيه ؟
- يا برهومى .. اطرف من الشيخ إبراهيم طنطاوى ..
- اسمك كبير أوى .. بيعمل لى زغطة .. طنظ ..
- طنظ .. طنظ .. طنظ .. طنطاوى .
- يا سيدة سونيا من فضلك .
- يا إيه .. يا سيدة .. دى كلمة زى الضريح .. أرجوك ما تحطش زباينك فى أضرحة من أول يوم .. ابتدى بالبساطة ورفع الكلفة .. قول لى يا سنسوفى وأنا أقول لك يا برهومى .
- سنسوفى .. !! ؟ اسمحى لى فى التعبير .. ده أسلوب للتنادى فى الفراش .

- كلب
- ما يهمنيش حد .
- والدين قال لك انقذ نفسك ولا يهملكش حد .
- أعمل إيه .. ببح صوتى وما حدش عاوز يسمعنى .
- انزل للناس .
- نزلت لهم طردونى .
- حد بإيدهم يطلعولك .
- خدت بإيدهم كسروا إيدى وزقلونى بالطوب وما حدش فكر يطلع معايا .
- أبداً .. أنا طلعت لك النهارده وكرشتنى بالنبوت .
- لأنك عرضت على صفقة قذرة .
- (تضحك وتفقهه) أبداً صدقنى كنت بضحك .. كانت نكته لبداية التعارف وطرح الكلفة .. صدقنى أنا جيت هنا عشان أغير حياتى كلها .
- فى الحالة دى تبنى لنا نظرة ثانية .
- آى والله أنا نفسى (بدلع) فى نظرة ثانية .
- أنا بتكلم جد ..
- وأنا بقول جد .. نظرة يا شيخ طنطاوى .
- يعنى لازم تثبتى حسن نيتك الأول بخلع الملابس المتهتكة دى .

- لا .. لا .. لا .. لا .. عيب اخص عليك .. اسمح لي  
يا سيدنا الشيخ إنت خيالك سافل جدًا .. أراهن إنك  
تخيلتني في حضنك .. اعترف .. أنا أحب الصراحة  
صحيح إنت راجل طاهر الأفعال لكن سافل الخيال ..  
سافل من جوه .. اعترف .. أرجوك ..  
أعترف إن قلبي لا يخلو من الزيف أحياناً ..  
- الزيف .. كلام جميل أوى يا سيدنا الشيخ .. أنصحك  
بقي ما دام قلبك زاغ تبقي تزوغ إيدك وتزوغ عينك ببقى  
أشرف لك على الأقل .. ببقى قلبك زى فعلك .. مفيش  
كذب .. مفيش نفاق ..  
- لأ ده مش صحيح .. الإنسان بحكم كونه روح وجسد له  
طبعتين متنازعتين ، ولا يطعن في صدق الإنسان أن يعاني  
جذب الشهوة وجذب العفة في وقت واحد لأن هي دي  
حقيقته .. أما الاستجابة لسفالة القلب بسفالة اليد بحجة  
الصدق فهي مغالطة شيطانية .. والإنسان اللي يقاوم  
نوازعه الشريرة هو على الأقل إنسان ترجى نجاته وفيه أمل  
منه .. أما الإنسان اللي يستجيب لكل وسوسة بفعل  
قورى .. فهو إنسان انضم إلى زمرة الحيوان وانتهى  
أمره .. ولا صدق في الموضوع .. وإنما غفلة

واستغفال .. واحنا بنى آدمين مش ملايكة .. الملاك هو  
الوحيد الطاهر من جوه ومن بره لأنه من نور .. أما احنا  
فن الطين .. ظلمانيين ونورانين في وقت واحد ..  
(طول الوقت كانت سونيا تستمع الى الشيخ في اهتمام وانبار وهي ترد  
كالمأخوذة) :

- الله .. فلسفة لطيفة .. أول مرة في حياتي واحد يكلمني  
في فلسفة دينية .. يا سيدنا الشيخ أنا معجبة بيك جدًا ..  
والظاهر إني حاحبك يا برهومي وحانضم لحزبك .. خذ  
شفطة من الجلاب رطب حلقك ..  
- سيك من حكاية برهومي دي ..  
- يا شيخ ما تبقاش حنبلي وافرد التكشيرة دي وقول  
يا باسط .. لوجيت لنا في البلاتوه حاتسمعنا ننادي  
بعض سوسو وبوسو وتوتو وكوتوموتو ، ونبوس بعض  
ونحضن بعض كده بمنتهى البراءة .. الواحدة منا تبوس  
الواحد في بقه وكأنها بتشرب حاجة ساقعة أو بتقرقر  
لب .. حياة سبور مفيش عقد ولا كبت .. تفتكر بوسه  
زى دي تدخل عندك في بند الحرام ..  
- تدخل عندي في بند أسوأ من بند الحرام ، هو بند الهوان

الكامل والبهدة والرخص لأشياء عزيزة وجميلة ..  
 أنا رأيت أن القرود حالهم أحسن منكم .. على الأقل  
 يفرقوا بين الحب وبين قزقة السوداني .. لسه عندهم  
 متعة بيتقاتلوا عليها .  
 - معاك حق .. تعرف إني ما بقيتش ألقى متعة في أى  
 حاجة وعشان كده جيت لك (تمبل عليه بطريقة حميمة) ،  
 تفتكر يا سيدنا إني لو غطيت جسمي ولبست حسب  
 الشرع ومشيت على دستورك في العبادة والطاعة ممكن  
 ترجع لي المتع الملتية بتاع زمان .  
 - المتعة .. المتعة .. المتعة .. إنتي مفيش حاجة عندك غير  
 المتعة .. شوفي يا ست إذا كان مالكيش هدف في الدنيا  
 غير المتعة ، شوفي لك مرشد غيري .. أنا راجل دين مش  
 سمسار متع .  
 - بقى بصراحة كده أنا بفكر في كل حاجة بطريقة عملية ..  
 وأنا هدفي من الدنيا الانبساط .. وربنا خلقنا في الدنيا  
 عشان نتبسط ونتمتع .. خلق لنا الأكل عشان ناكل  
 مش عشان نجوع .. والأإيه ؟  
 - بالعكس تمامًا .. ربنا خلق لنا شهوة البطن عشان  
 نقاومها ، وخلق لنا شهوة الجنس عشان نحكمها .. ربنا

خلق لنا الجسد زى السلم عشان نقهره ونطلع عليه .  
 - نطلع نروح فين ؟  
 - نؤكد وجودنا كأرواح جديرة بالخلود لا كأجساد فانية  
 تستعبد لها الشهوات ..  
 - مش فاهمة .. المرة دي فلسفتك صعبة شوية يا سيدنا  
 الشيخ .  
 - يعنى الإنسان ما يقاوم إنسان إلا لحظة ما يقاوم شيء  
 يبجبه أو يتحمل شيء يكرهه .. أما حالة الاستسلام لكل  
 نزوة فهي دي الآلية الحيوانية .. السباح بيأكد إرادته لما  
 ييعوم ضد التيار .. أما إالى بيستسلم للتيار يوديه مطرح  
 ما يوديه يبيقى كيان ميت .. مفيش فرق بينه وبين لوح  
 خشب عايم ع الميه .. الإنسانية مقاومة وعمرها ما تكون  
 استسلام .  
 - كلامك في الفلسفة لذيذ يا سيدنا الشيخ بس يا خسارة  
 كله كلام نظري .  
 - يعنى إيه ؟  
 - يعنى مش فاهمة .. يعنى نفسى تديني درس عملي عشان  
 أفهم أكثر .  
 - إزاي يعنى ؟

أينشتين اللي بتقوله ده .. ولا حاتلاقي واحدة توجع  
دماغها بالفلسفة بتاعتك دي .. الستات يجبووا يتكلموا في  
حاجات عملية مفيدة ..

- زى إيه ؟

- الموضات الجديدة ، صينية كرسه بالبشاميل ، طقم

شاي ، سجاجيد شنوا ، ماركات عريبات ، عريس لقطه

رانديفو ، تسريحة شعر .. بارفان جديد .. فضيحة

مثيره .. المهم حاجة عملية .. لذة محسومة .. مش

نظريات في هوا .. ووجع دماغ ع الفاضى ..

- يعنى عاوزين منا إيه .. ؟

- يعنى أنا مثلاً عاوزة أعرف حايجرى إيه لو بستك في بقك

كده ..

(تنفض عليه ونخطف منه قبلة .. ثم تعود لتنفض لتأخذ قبلة طويلة فيترع نفسه

منها ويتنفض قائماً وهو يمسك رأسه من الدوار) ..

- يا رحمن يا رحيم .. يا رحمن يا رحيم .. يا حفيظ ..

يا لطيف .. أعوذ بالله من الشيطان الرجيم .. أعوذ

بالله ..

- مالك يا برهومي .. دخت يا حبيبي .. أجيب لك

نشادر ..

- يعنى تديني درس في الحب ع الطبيعة كدة .. درس

مشفوع بالأمثلة على الواقع عشان أقنع أكثر .. يعنى مثلاً

نجرب الحب مع الفلسفة والحب بدون فلسفة .. ونجرب

القبلة بدون مقاومة .. والقبلة مع المقاومة .. نحاول احنا

الاثنين نقاوم الجنس عشان نأكد روحنا .. ونحاول مرة

ثانية إن احنا ما نقاومش ..

- (في غيظ) إنتي حيوان مفيش فائدة فيه ..

- (في دلع) لكن بالذمة مش حيوان ظريف .. قطة رومي

مدلعة ومترية ع الحجر .. بالذمة مش نفسك تدلغني

ونسرح لى شعري ؟

- إه ؟

- وتأكلني بإيدك ؟

- إه .. ؟ يا خبر إسود !

- ده خبر إسود ده .. !

- ده خبر زفت هباب قطران .. انتي مصيبة .. كارثة ..

وباء معدى .. شيطان رجيم .. أعوذ بالله .. ابعدي عني

يا ولبية ..

- حلسك على لحظة .. اديني فرصة .. حاول تفهمننا احنا

يا ستات .. مفيش واحدة ست مستعدة تسمع كلام

- غورى من وشى يا ولىة .. إنتى عاوزة منى إيه (بصرخ)
- عاوزة منى إيه .. ؟
- عاوزة الصراحة !!؟
- أرجوكى .
- الصراحة الصراحة !!؟
- أبوه الصراحة الصراحة .
- حاكشف لك ورقى وأحكىلك مشروعى كله امبارح كان عيد ميلادى الثلاثين فكرت أقعد مع نفسى قعدة صراحة وأفاتح نفسى بكل شىء وأحاسب نفسى على كل يوم عشته .. وكانت مفاجاه .. اكتشفت إنى فشلت فى كل شىء .. فشلت فى الحياة ، فشلت فى الحب ، فشلت فى الزواج برغم المليون راجل اللى بيصقفوا لى ، والمليون ترانزيستور اللى بتهتف باسمى ، والمليون جنيه رصيدى فى البنك ، برغم النجاح والشهرة والمجد والفلوس ، اكتشفت إنى فى الحقيقة بعيش حياة سخيفه مالهاش طعم . حياة كلها كذب فى كذب فى كذب .. ساعتها فكرت إنى أطلب الخلاص عندك .. أسيب الشهرة والمجد وأجى لك فى الخلوة اللى أنت عايش فيها .. وأسلم لك نفسى تطهرها بطريقتك .

- وعشان كده جيتى ..
- جيت لقيت راجل ما بيفكرش فى أى حاجة غير تخليص نفسه .. وحيد زى بومه فى خرابة ما عندوش ميه يستحمى ولا ميه يشرب ولا فى بيته كهربا ولا راديو ولا تليفزيون ولا تليفون ولا حتى حنفيه ميه ولا سرير ولا حتى تواليت للضرورة .. أقولك الحقيقة ..
- صدمتنى ..
- يعنى مفيش خلاص إلا بالقذارة ؟ ..
- يعنى مكتوب على الخطيئة إنها تعيش فى قصور البنور والكرستال ومكتوب على الفضيله إنها تعيش فى جحور الطين ؟ ..
- اسمح لى أشرح لك .
- اسكت أرجوك .. أنا عارفة أنك حاتبرجلنى بالكلام الهيروغلىفى بتاع أينشتين بتاعك .. وأنا مش غاضبة للفلسفة والنظريات .. أنا واحدة ست عملية وفى جيبى مشروع جاهز للتنفيذ فوراً ..
- ادبنى فرصة أوضح .
- هس .. اسمع قرارانى النهائية وما تفتحش بقلك .
- (تخرج من جيبها ورقة وتقرأ) :

فور النطق بها بقوة الحب وسلطة القانون والعقل والمنطق التي تأمرنا جميعاً بالنظافة والحمدن .

(الشيخ طنطاوى يصرخ محجاً) :-

- أنا أرفض هذا الانحطاط .
- سونيا - ( في استكار ) انحطاط .. بتقول انحطاط .
- أيوه بقول انحطاط .
- نور الكهربيا في البيت انحطاط .
- نور القلب أهم .
- وإيه المانع يكون عندك نور في القلب ونور في البيت ؟
- يا ريت بس ندفع الفاتورة من مال حلال .. أما إذا كان مفيش مال يبقى تنام في الضلمه أحسن ما ننور البيت من عرق الست سونيا .
- عرق حبيبتك سونيا من الحلال وحياتك .. ومن عين الحلال .
- من عين يبشرب منها الخنازير .
- (تنزل فيه ضرباً ولكمًا وشلايت وهي تبكى من الغيظ)
- سافل .. منحط .. مجرم .. ليه تكسر قلب ولية غلبانة
- عاوزه تتوب .. ليه تقفل في وشها باب الرحمة ؟
- عشان هي عاوزه تفتح في وشي باب جهنم .

قرار رقم ( ١ ) - إدخال النور والمية والراديو والتلفون والتلفزيون إلى مزبلة الشيخ طنطاوى فوراً ، وذلك على حسابي الخاص .

قرار رقم ( ٢ ) - يأخذ الشيخ طنطاوى مفتاح عربتي ودفتري شيكاتي وتوكيل كامل شامل للتصرف في جميع عائداتي المالية وإنفاقها على الدعوة لمبادئه كما يشاء .

قرار رقم ( ٣ ) - تهدم الخرابة التي يعيش فيها الشيخ طنطاوى مع الوطاويط والحنافس وتردم محتوياتها في حفرة .

قرار رقم ( ٤ ) - تنصب عدة خيام جديدة عصرية مكانها مزودة بكل وسائل الراحة .

قرار رقم ( ٥ ) - على الشيخ طنطاوى أن يتسلم مهام منصبه اليوم كمرشد روحى للست سونيا وفرقتها التمثيلية ليعيش من هذه اللحظة للآخرين لا لنفسه .. وعلى جميع أفراد الفرقة طاعة أوامره بلا نقاش وبلا مراجعة ..

قرار رقم ( ٦ ) - على الشيخ طنطاوى أن يخلع الخرقة المرقعة القذرة التي يلبسها ويرتدى زى عصرى مناسب لدوره القيادى في فرقة سونيا المسرحية .

قرار رقم ( ٧ ) - تعتبر هذه القرارات شاملة النفاذ والتحقيق



دمك ولحمك .. مش حاتقدر تسلخني من جسمك لأنى  
حته منك .. لأنى حقيقتك ..  
طنطاوى: (وقد بدأ عقله يتوقف تحت ضرباتها المسميتة وبدأت قواه تفلت منه)

أنا .. أنا .. لأ .. لأ .. أرجوكى .

(تطوقه بلراعها) حاتقبل لأنى بجيك .. باعبدك لأنك أملى  
الباقى وخلاصى الوحيد .. لأنك حياى ونجاتى لأنك  
شباك التوبة إلى حابص منه للسما .. وأنا باب اللذة إلى  
حاتدخل منه ليجنة الأرض .. أنا صندوق الدنيا وعلبة  
الملبس .. وكتر المجوهرات .. أنا سونيا .

أنا ما تحكمنيش امرأة .. مستحيل .. مستحيل ..

(ما زالت تطوقه) كل الرجالة بتحكهم الستات .. احنا

دايمًا إلى بنحككمم .. بالحب بالجنس بالقبقاب بالفلوس

بالاستغفال بالاستحجار بالاستهبال .. وأنا عندى جميع

الأسلحة دى .. وانت عبرى وسيدى وحبيى ومولاي

وسجين زترانتى .. برهومى .. معشوقى .. مالکش

مهرب منى ولا نجاة ولا فرار .

(يقضم على شفتيه وأسانه) حاهرب .

(وهى تطوقه بلراعها) إزاي ؟

أبدأ أنا جاية أحط عمرى كله تحت تصرفك .. أحط قلبى  
تحت أمرك .. أحط إرادتى تحت رجلك (تعلق برفقه  
متوسلة) قول لى إنك حاتساعدنى .. قل لى إنك قبلتني  
عندك .

متأسف .. أنا رافض .

(تدفعه بيديها) إنت حاتقبل غضب عنك .

(يحاول أن يتزع يدها) أنا أرفض إنى آخذ مليم من فلوسك اللى

جمعتها م الدعارة ..

(تدفعه بقوة) حاتقبل .. حاتقبل يا برهومى يا سافل لأنك

سافل الخيال .. حاتقبل لأنك بتتمنانى فى أحلامك وإن

كنت بتشتمنى فى يقظتك .. حاتقبل لأنى أنا عروسة

أحلامك .. أنا سنسوتك ويسبوستك وقطقوطتك

وشهوتك ووسواسك اللى يلعب فى عبك بالليل

والنهار .. أنا الحيوان الجميل اللى محبيه تحت العر المرقع

إلى أنت لايسه .. تحت جلدك وعظمتك يا شيخ

يا حباص .. تحت لسانك إلى حاياكله الدود ..

أنا عقلك الباطن بكل رغباته القدرة .. أنا غريزتك

المغروسة فىك .. مش حاتقدر ترفضنى ولا تتزعنى من

- أنا سونيا . . ألد سونيا . . أنا الدنيا
- (يقبلها) سونيا .
- البوسة دى معناها إنك مضيت على المشروع . وبكرة لا بد من تنفيذ جميع البنود .
- (يقبلها) سونيا .
- سونيا فى خدمة مبادئك . . كل فلوسى رهن إشارتك . . كل ما أملك تحت تصرفك .
- سونيا . .
- كل فرقة سونيا تحت أمرك . . إنت من بكره مرشد الفرقة الدينى واحنا جميعاً طوع أمرك .
- تطاوعينى يا سونيا ؟
- بدون مناقشة يا حيبى .
- مهما طلبت .
- ولو طلبت روحى .
- هى روحك اللى عاوزها . . عشان أغيرها .
- اطلبها تلاقيا بين إيديك . . أمر ؟
- فى الحقيقة مش عارف مين اللى حايأمر . . مين حايكون الأمر ومين المأمور . . دى هى المشكلة .
- خلى المشاكل لوقتها . . ما تستعجلش . . خلىنا نعيش

- (وهو يرمخ) حاهرب .
- مش حاتقدر تهرب منى . . لأنى فىك . . فى دمك . . أنا بجرى فىك مجرى الدم . . أنا نبضك . أنا قلبك .
- (وهو يرمخ) حاوقف نبضى حاخنى قلبى .
- إزاي ؟
- (بصرخ باكياً) يا ربى . . ليه خلقتنى ضعيف . . ليه خلقت لى الفتنة وسلطت على الإغراء .
- أسأله ليه خلقت سونيا . . ليه خلقت حدود التفاح وشفاه الكرز ونهود المرمر .
- (يرمخ) سونيا .
- حيبى . . أملى . . حياتى . . نجأتى .
- هلاكى ولعنتى وضعفى .
- أبداً . . أنا نشوتك وأنسك وراحة قلبك .
- أبداً . . إنت ضياعى . . وانحطاطى .
- حيبى برهومى . . ما تفكرش . . انسى كل حاجة . . احلم زى ما كنت بتحلم وانت نايم نعلان بتفكر فى .
- سونيا .
- أنا سونيا . . خدامتك وجاريتك .
- (ينهار على صدرها) سونيا .

لحظة بلحظة .. إحنا ورانا إيه .. ؟ !  
تلقي شفاها في قبة  
يتزل السار على القبلة في بطاء

### الفصل الثاني

(صحراء .. نهار

نفس مكان المشهد الأول لكن بد البناء والتعمير قد أشادت من الخراب شيئا  
آخر .. هناك وابور نور وماكينة لصخ الماء وأكشاك وخيام جديدة نظيفة مزودة بكل  
أدوات الرفاهية الحديثة .. مثلثة جامع على البعد ..

في الوسط وفي مقدمة المسرح خيمة على طراز عصري أمريكي من الحرير الملون هي  
خيمة الشيخ .. تتدلى فيها الثريات الكريستال وعلى الأرض سجاجيد وطاقوس وأثاث  
فاخر من الخشب المطعم بالصدف .. تليفزيون وتليفون وفرجيدير وراديو ..

(حينما يبدأ المشهد تكون الخيمة خالية .. ويكون المسرح خاليا باستثناء بعض عمال  
تراهم في الخلفية يبنون ويشيدون وعمدون أسلاكاً .. ونسمع صوت مطارق تعمل) ..  
(ثم يدخل عدد من الدراويش الفقراء كل منهم يحمل زاده على ظهره .. هم  
أحمد وعيسى وزكريا ويحيى وإسماعيل وإدريس .. يلقفون حوهم في استغراب ..  
بحورن حول الخيمة .. يسأل بعضهم بعضاً) ..

زكريا : عجيبة .. إحنا فين .. إحنا تنها وإلا إيه ..  
عيسى : مش ممكن نكون تنها .. أنا عارف الصحرا دي شبر شبر ..

لحظة بلحظة .. إحنا ورانا إيه .. ؟ !  
تلقي شفاها في قبة  
يتزل السار على القبلة في بطاء

أزاي ؟  
ليايه (اليتقي)  
ليايه (اليتقي)  
ليايه (اليتقي)

الكبير يقول للشيخ ..  
أنا في الصحراء ..  
أنا في الصحراء ..  
أنا في الصحراء ..

أنا في الصحراء ..  
أنا في الصحراء ..  
أنا في الصحراء ..  
أنا في الصحراء ..

أنا في الصحراء ..  
أنا في الصحراء ..  
أنا في الصحراء ..  
أنا في الصحراء ..

ادريس : وهي دي أول مرة نيجي ..؟ دحنا كل سنا نيجي

للشيخ .. حانتوه عن مكانه إزاي ..!!؟

إسماعيل : طيب هو فين ؟

عيسى : صحيح هو فين ؟

عيسى : أنا أحلف إن عشة الشيخ مطرح ما أنا واقف ..

أنا ذاكرتي ما تخونيش .

أحمد : أمال هو فين ؟

زكريا : وإيه المناظر والتعاليق دي ؟

عيسى : العلم عند الله .. كل شيء بيتغير في الزمن النكد ده ..

كل شيء بيتقلب حاله .

زكريا : قصدك إيه ؟

عيسى : قصدي جايز يكونوا طردوا الراجل الغلبان عشان بينو

مدينة سياحية أو (تلفت حوله) أوسيرك أو مدينة فنون .

من الحاجات الموضه اللي بنسمع بيها دلوقت .

إسماعيل : (في بساطة وسداجة وانفعال) وفيه حد يقدر يطرد الشيخ

طنطاوى قطب الزمان وخاتم الأوليا .

ادريس : والعارف الرباني .

أحمد : والمعدن الصمداني

عيسى : والغوث

إسماعيل : وبرزخ البرازخ .

ادريس : وفريد عصره ووحيد دهره .

عيسى : العصر دلوقت غير العصر يا خال والدهر غير الدهر والزمان

غير الزمان وشيخنا راجل طيب مسلم .. وأرض ربنا

واسعة .. والله جعل لنا الأرض كلها مسجداً .. تفتكر

الراجل حايقوم الدنيا ويقعدها لو طردوه .. أبداً .

حاشيل زاده وزواده ويرجل

إسماعيل : لا إله إلا الله .

زكريا : وحايرجل بروح فين ؟

عيسى : علمي علمك

(يدخلون الخيمة الحورية الفاخرة .. يتلفتون حولهم في النهار) .

ادريس : إيه دي .. كل دي خيمة .. دي خيمة عجيبة أوى

يا سيادنا .

عيسى : وحاطينها مكان خيمة الشيخ بالضبط .

(يتحسون السجاجيد والطنافس ويفتحون الراديو والتلفزيون ويحرون

كل شيء في فضول وطفولة) .

ادريس : دي خيمة ملوكي .. كل حاجة هنا ملوكي يا سيادنا

(يجلس على كرسي من القטיפه ويضع ساقاً على ساق ويضع صرة طعامه

على كرسي آخر .. يمد يده إلى دورق فيه شراب مثلج إلى جواره ويكرع

عدة كروعات من الشراب وهو بمصمص في طرب) الله . . . ده شراب  
 مادقتش زيه في حياتي . . . ده شراب من الجنة يا شيخ  
 أحمد . . .  
 أحمد : (يدوق جرعة من الشراب) الله . . . ده شراب تفاح . . .  
 يحيى : (بكرع كروعة هو الآخر) لا ده شراب لوز . . .  
 إسماعيل : (يشرب هو الآخر) لا ده شراب ورد . . .  
 (يتمددون كل واحد على كرسى في استمتاع وانبعاث)  
 عيسى : (يضرهم بمقرعة في يده) شربتم شراب المترفين وجلستم جلسة  
 المترفين . . . هلكتم يا أبناء الأفاعى . . . قوموا . . . هبوا من  
 غفلتكم . . . غادروا هذا السجن . . . ما لهذا جئنا . . .  
 (يتنفضون واقفين واحداً بعد آخر)  
 إسماعيل : آى والله سجن . . . دنا حسيت من لذة الكرسى إنى مسمر  
 فيه . . . مشلول تمام . . . مش قادر أسبيه . . . أعوذ بالله  
 م الفلوس . . . دنا اتهاى لى إنى ملكت الكرسى . . . أتاربه  
 هو اللى ملكنى . . . يا ساتر يا رب . . .  
 عيسى : هكذا عروش الملوك يستولى عليها الملوك في البداية ثم  
 تستولى عليهم في النهاية . . . وهكذا المال تظنه في البداية  
 خادمك ثم تكتشف في النهاية إنك تخادمه . . .  
 إسماعيل : صدقت . . . الدنيا سجن المؤمن . . .

يحيى : وجنة الكافر . . .  
 زكريا : أعوذ بالله من سوء الخواتيم . . .  
 أحمد : اللهم أحيى فقيراً وأمتنى فقيراً واحشرنى في زمرة  
 المساكين . . .  
 عيسى : إن كل ما على الأرض من شراب اللوز والتفاح والورد  
 لا يعدل في لذته لحظة واحدة من سكينه القلب . . .  
 صدقونى يا إخوانى . . . لو عرف الملوك ما نحن فيه من لذة  
 لقاتلوننا عليها بالسيوف . . .  
 أحمد : مدد يا شيخ طنطاوى مدد . . .  
 إدريس : يا دليل الدليل دلنا على أرض الخليل . . .  
 يحيى : نظرة يا سيدنا نظرة . . .  
 إسماعيل : يا باب النبى . . . يا باب الفتوح . . .  
 زكريا : (في قلق) الوقت بيمر والشمس حانغرب علينا ومش  
 حانلاقى مكان نبات فيه . . .  
 أحمد : قلبى يقول لى إنا حانلاقى الشيخ هنا وإنه مش بعيد . . .  
 عيسى : ما افتكرش . . . أنا عارف طباعه . . . هو ما يجيش الترف  
 ولا المترفين وما يجيش بعشش جنهم . . . ويهرب من الأغنيا  
 هربه من المجدومين . . .  
 زكريا : ربنا يسوق لنا من يدلنا عليه . . .

- إيه الفرق بيننا !
- هو شفاف زى شعاع الشمس صريح زى النهار فى يوم صيف ، قوى كما الصلب قاطع كما الماس .
- وأنا ؟
- معتم زى الأرض رخو كالعجين ملبد كجو الخماسين .
- أنت راجل بيبدل جلده كل يوم زى التعبان . . . إن أنت شخص من غير شخصية .
- طنطاوى : (بلق القبلة) خيالك شطح بيك بعيد أوى المرة دى يا شيخ عيسى .
- (يتفص الشيخ عيسى من المفاجأة وقد اصفر وجهه تمامًا) .
- مستحيل . . . مستحيل !!
- وليه مستحيل . . . الشيخ طنطاوى بلحمه ودمه هو إالى واقف قدامك .
- (يتجمد الدراويش من الدهول . . . طوال الحوار التالى يظنون كأنهم يمشون بإيماءات) .
- طنطاوى : (يمد يده لعيسى) سلم . . . دى إيد الشيخ طنطاوى .
- عيسى : (يرفض أن يلم على اليد الممدودة) مش معقول . . . أنا ما أعرفوش . . . ولا أسلم عليه .
- وليه مش معقول . . . وليه ما تعرفوش وليه ما تسلمش عليه .

- (يدخل الشيخ طنطاوى فى نفس اللحظة من باب خلى فى الحيمة فى بدلة كحل فاتحة أنيقة وكرافته حمراء حليق تمامًا وشعره مكوى مرجل . . . حدوده موردة من الطعام الجيد) .
- (يدخل منكس الرأس مستغرقًا فى التفكير) .
- (لا يعرفه أحد من أتباعه ومريديه) .
- (يتقدم منه زكريا فى وجل) .
- زكريا : لا مؤاخذه يا حضرة الأفندى إذا كنا دخلنا هنا بدون استئذان .
- (ينظر إليهم الشيخ طنطاوى . . . يهت وجهه لحظة . . . لقد عرفهم من أول نظرة ولكنه كم أمره) .
- زكريا : لكن معانا عذرنا أصل ده مكان خلوة الشيخ طنطاوى . . .
- شيخنا اللى بنجيله كل سنة . . . لكن الظاهر الدنيا اتغيرت . . . والحال بقى غير الحال . . . وشيخنا شال عزاله ورحل . . . لازم حضرتك عندك خبر بيه . . .
- يحيى : دلنا عليه ربنا يفتح عليك .
- (عيسى يقترب ويتفرد لى وجهه) .
- عيسى : (فى دهشة) عجيبه . . . ده أنت الخالق الناطق . . . كأنك إنك كان أخوه من أبوه وأمه !
- طنطاوى : هو يشبهنى ؟
- عيسى : كأنك هو !

- أصدق أن الهدوم تتغير.. لكن إزاي النفوس تتغير؟!

- ومين قال لك إن النفوس اتغيرت؟

- لا يمكن تكون الشيخ طنطاوى اللى أعرفه.. اللى ياكل

من الأكل ده ويتقلب ع الحريو ده لازم يتغير.. المال

غير قارون وجعل منه فرعون.

- لأنه وضع المال فى قلبه وضمن بيه ع الجميع ولو حطه فى

جيبه وفرقه ع الجميع لانقلب المال نعمة.. وديننا ليس

ضد المال وإنما هو ضد الذل للمال.

- دى آراء جديدة على شيخنا.

- لكن آراء صحيحة.. ورسالتنا البحث عن الآراء

الصحيحة وطلب الحق بكل سبيل.

زكرياء : (هامسا) سبحان من يغير ولا يتغير (بصوت مرهف) سبحان

من يغير ولا يتغير.

عيسى : سبحان (متلفتاً) ده غير حاجات كتيره أوى (بمر يديه على

جوانب الخيمة الحورية) شايف الخيش بقى حريو إزاي بقدره

قادر يا شيخ زكريا.

زكريا : (يتحس الخيمة) يا ترى خيمة مين الخيمة البديعة دى؟

طنطاوى: خيمتى.

عيسى : معنى كده إنك عمدة المولد ده أو السيرك ده.

طنطاوى: تقريباً..

- وإنك تركت السلك الصوفى وهجرت الطريق.

- مطلقاً.. أنا ما زلت على عهدى.

- إزاي.. دى تبقى فزورة.

- سليمان كان ملكاً وكان له هيكل من الذهب وخمسمائة

زوجة ولم يحل هذا دون أن يكون نبياً له عند الله الزلى

وحسن المآب.. السؤال هو ماذا تفعل.. وليس ماذا

تملك.. أو هو على وجه الدقة ماذا تفعل فيما تملك.

- دى فوازير وألغاز.

- لقد كان إبراهيم أبو الأنبياء مالكا لعدة ضياع وعدة ألوف

من رءوس الأنعام.. ولكن عندما تطلب الأمر أن يذبح

ابنه تقدم دون تردد ليذبح ابنه.. وحينما أوقد له الكفار

ناراً ليلقوه فيها تقدم وألقى بنفسه فى النار دون خوف..

السؤال هو ماذا تفعل وليس ماذا تملك.. الغنى المستغنى

مسلم أكثر من الفقير المحتاج.. إن خرقة الصوفى التى

تلبسها لن تجديك نفعاً إذا كنت كذاباً منافقاً.

- هذا علم جديد أحب أن أتعلمه.

- ابقى معى وأنا أعلمك.

- إزاي؟

- أنت مثقف وعندي لك وظيفة تناسبك .
- هي إيه ؟
- مدير بلاتوه .
- (في استغراب) مدير إيه ؟
- مدير بلاتوه بمرتب ٢٠٠ جنيه وعربيه وسواق تحت أمرك . . قلت إيه ؟
- وحاصل إيه بالضبط في الـ . . . البلاتوه ده ؟
- تنفذ تعليماتي بدون سؤال وبدون مناقشة كعادتنا في أدب الطريق . . حسب قانون السالكين المرادين مع شيخهم . . ألسنت مریدی وأنا شيخك ؟
- كنت شيخی فی الماضي . . أما الآن . . فأنا بصراحة أشعر أنني أمام رجل آخر لا أعرفه . . أشعر بالحيرة تماماً . .
- لا أفهم ؟
- ألسنت مؤمناً بالله وبالقدر . . ألا نصح ونمروض ونجوع ونشبع . . ألا يجري الله علينا من الامتحانات ما يشاء . .
- ألا يتلينا بالخير والشر . . ألا يدخلنا في تجربة تلو تجربة .
- لا أفهم !؟
- هي تجربة أدخلني الله فيها وامتحنني بها ويدخلك فيها ويمتحنك بها . . أترفض . . أتستطيع أن ترفض . .
- أنتستطيع أن تغير ما خطه الله لنا في الكتاب .
- حاشا لله . . ولكن لا يجوز لنا أن نرتكب خطيئة ثم نقول إن الله أمرنا بها .
- وهل أمرتك بخطيئة . . وهل أمرتك إلا بخير ؟
- ووظيفة مدير البلاتوه ؟
- هي أن تلبس للناس لبوسهم وتعيش حياتهم وتكلمهم بأسلوبهم . . لو كان مراد الله لنا هو العزلة لما أخرجنا من الأرحام ولتركنا معزولين في بطون أمهاتنا . . علينا أن ننزل إلى الناس . . إن كلماتنا الجميلة في الخلوة لا تصل إلى أحد .
- حينما كان الناس في الماضي يشتغلون بالسحر أرسل الله لهم موسى يخرج من العصا ثعباناً ، وحينما اشتغلوا بالطب أرسل لهم عيسى ليشفي الأبرص ويبرئ الأعمى ، وحينما اشتغلوا بالفصاحة أرسل لهم من يتحداهم بالقرآن . . كان الله دائماً يرسل للناس من يلبس لهم لبوسهم . . واليوم الناس يشتغلون بالسينما والمسرح والتليفزيون وليس أمام المصلح إلا أن يعمل في البلاتوه .
- ولهذا نزلت إلى البلاتوه .
- أنا أدير كل مدينة السينما والمسرح المبنية على المساحة

- أنت مثقف وعندي لك وظيفة تناسبك .
- هي إيه ؟
- مدير بلاتوه .
- (في استغراب) مدير إيه ؟
- مدير بلاتوه بمرتب ٢٠٠ جنيه وعربيه وسواق تحت أمرك . . قلت إيه ؟
- وحاصل إيه بالضبط في الـ . . . البلاتوه ده ؟
- تنفذ تعليماتي بدون سؤال وبدون مناقشة كعادتنا في أدب الطريق . . حسب قانون السالكين المرادين مع شيخهم . . ألسنت مریدی وأنا شيخك ؟
- كنت شيخی فی الماضي . . أما الآن . . فأنا بصراحة أشعر أنني أمام رجل آخر لا أعرفه . . أشعر بالحيرة تماماً . .
- لا أفهم ؟
- ألسنت مؤمناً بالله وبالقدر . . ألا نصح ونمروض ونجوع ونشبع . . ألا يجري الله علينا من الامتحانات ما يشاء . .
- ألا يتلينا بالخير والشر . . ألا يدخلنا في تجربة تلو تجربة .
- لا أفهم !؟
- هي تجربة أدخلني الله فيها وامتحنني بها ويدخلك فيها ويمتحنك بها . . أترفض . . أتستطيع أن ترفض . .



- الكبيرة خلفك وأشرف على كل ما يجري فيها .
- عجيبة . . دى مواهب جديدة لم أكن أتوقعها من الشيخ طنطاوى . . ألا تخشى أن تخطئ في هذا المجال الجديد الذى لا تتقنه .
- لا يهم أن نخطئ ولكن المهم أن نتعلم من الخطأ .
- هذه جراءة تذهلنى !؟
- أحياناً يلقي بنا فى البحر ولا يكون أمامنا اختيار سوى أن نتعلم السباحة برغم أنوفنا وبدون معلم . . نتعلم من التجربة والخطأ .
- (بعض دماغه فى حيرة) ولكن . . كيف . . كيف حدث كل هذا . . كأتى فى حلم . .
- هى قصة طويلة ستعرفها فى أثناء عملك فى البلاطوه .
- أهى رواية ؟
- الدنيا أحياناً تبدو كالرواية .
- كيف ؟
- لقد دخل ناس جهنم لأنهم قالوا . . كيف . . ومتى . .
- وأين . . ومن خلق الذى خلق . . ولماذا هناك البصير والأعمى والحشرة والإنسان . . ولماذا يخلقنا الله ويعذبنا ولماذا يُقدر علينا ويعاقبنا . . ولو أنهم آمنوا وأسلموا

- لعلمهم ربهم . . ولو أنهم اهتدوا إليه لهداهم فى حيرتهم .
- صدقت .
- صاحبنى ولا تسأل وسوف يعلمنا الله من علمه .
- والبس لبوسك ؟
- وما الضرر ؟
- وآكل طعامك ؟
- وما المانع ؟ الله لم يمنعنا من أكل الطيبات ولا حرم علينا الزينة ما دامت من حلال .
- وهل هى من حلال ؟
- هذا يتوقف على نيتك وفعلك والضم لا تنجسه اللقمة التى تدخله بل الكلمة التى تخرج منه .
- إن ما يخرج من فم الممثلات والممثلين فى بلاطوهات السينما والمسرح ينجس أمة بأسرها .
- هذا هو الأمر الذى سأحاول أن أغيره .
- سيفريك هو قبل أن تغيره .
- هى معركة لا بد منها .
- فرد واحد فى مواجهة عصر . . النتيجة معلومة .
- الأنبياء كانوا أفراداً وغيروا عصوراً .
- إنهم أنبياء .

إلى جهنم لسرت وراءك ولو استعرضت بي البحر لخصته  
معك . . فانت وسيلتي إلى السماء . . وأنت أحب إليّ  
من أهلي وولدي . . وأقرب إليّ من سواد عيني .

- سلمت لي يا شيخ عيسى . . وسلمت أيامك (بعانقه)  
- سامشي وراءك ولو قدتني إلى الهلاك .  
- بوركت يا شيخ عيسى وبوركت أيامك .

- سوف أصحبك إلى ما تريد . . هذا قدرى .  
- بشرط . .

- وما الشرط . .  
- أن تكون مثل قروود الحكمة لا ترى ولا تسمع ولا تتكلم

وإنما تتعلم . . تصاحبني ولا تسألني . . هذا هو العهد بين  
المريد وشيخه .

- أنا عند عهدي .  
- وغداً تخلع الخرقة وتلبس ثوب العمل الجديد .

(الدرأويش الشعافون الذين كانوا يحملون مبهوتين طوال الحوار الدائر  
وجتمون بتسايح خافتة ويشيحون بأذرعهم في حيرة ويرددون كافة

الإيماءات . . نراهم الآن يجيطون بالشيخ ططراوي والشيخ عيسى  
ويتكلمون في وقت واحد) .

- واحنا يامولانا . . ما مصيرنا ؟

والمصلحون كانوا أفراداً أيضاً واستطاعوا أن يغيروا  
عصورهم .

- حلم كبير ؟  
- لا نستطيع أن نقف مكتوفي الأيدي نرى الفساد يدب في

كل شيء ونكتفي بالتراتيل والتسايح في الخلوات .  
- هذا أفضل من أن نفسد مع الفاسدين ونسقط مع

الساقطين .  
- الحكم بدون تجربة تشاؤم لا مبرر له والله يأمرنا بالأنايا

من رحمته . . الواجب أن نحاول قبل أن نطلق أحكاماً  
فارغة في الهواء بلا ممارسة وبلا خبرة .

- حاول وحدك . .  
- أتتركني أحاول وحدى . . أتتركني أصرع الطوفان وأقف

أمام السيل وحدى وتهرب متذرعاً بتسايحك . . أهذا هو  
الدين . . أهذا هو ولاء المرید لشيخه ؟

- (بصرخ) وماذا أفعل أنا العاجز ؟  
- ضع يدك في يدي فتصبح اثنين وتصبح قوتنا قوتين . .

أفقدت الثقة في شيخك . . أما عدت تحب شيخك ؟  
- وهل أستطيع . . إنك لتعلم مكانتك مني . . وكيف أضع

كلماتك بين عيني . . بين لحمي وعظمي . . ولو قدتني

(تدخل سونيا في ثوب تركواز طويل فاتح عارية الظهر وعلى صدرها وردة ذهبية وشعرها الأشقر يتناثر على ظهرها كسنابل القمح).  
(يتفحص الدراويش كأنما لذعهم عقرب).  
(نسمع همهمات استغفار وتعوذات).

(بعض الدراويش ينظر إلى الأرض، البعض ينظر إلى الجدران... البعض ينظر إلى السماء... البعض يبتلع النظر في فضول... الشيخ عيسى يتجمد في مكانه... تطلعت سونيا في وجوه الدراويش مبسمة).

طنطاوى: (مشيراً إليهم) دول هم العمال والموظفين إلى كنا بندور عليهم... وده أخويا الشيخ عيسى شاب مثقف أمين وهو أنسب الموجودين لوظيفة مدير البلاطوه.

سونيا: (ما زالت تضحكهم بابتسامة) اختيار مناسب جداً... يتعينوا فوراً... ويتسلموا أعمالهم من الآن... أوامر برهومي لا تناقش.

(تدق على جرس)

(يدخل خادم)

سونيا: (مشيرة بيدها إلى الموجودين) خذهم لغرفة الملابس يقلعوا في ضحكة خافتة) ملابس التشريفة دي.

الشيخ عيسى: (معرضاً في صوت غليظ مشروخ من الانفعال) إيه هي الحكاية يا شيخ طنطاوى... أنا عاوز أفهم.

طنطاوى: (في صوت حاد باتراً قاطع كالصلب) هل نسيت أنك لا ترى

حانروح فين؟  
حانعمل إيه؟  
وإيه التصريف؟  
حانرجع ديارنا؟

الشيخ طنطاوى: أنتم حاتكونوا معنا... حايوزعكو الشيخ عيسى ع الوظائف والأعمال اللي يشوفها مناسبة... وعندنا أعمال كثيرة في حاجة إلى أيدي بالشرط إلى اتفقنا عليه... إن كل واحد لا يرى ولا يسمع ولا يتكلم وإنما يتعلم... هذه كلمة العهد والميثاق على الجميع.

- سمعنا وأطعنا.
- كلنا تحت الأمر.
- الله يفتح عليك.
- الله يكرمك.
- بقينا موظفين يا إخوان.
- ولنا رواتب وكسوة ومعلوم.
- ونأكل مالذ وطاب من الحلوى والكباب.
- هذا رزق من السماء.
- يا ترى مين إلى بيدفع.

ولا تسمع ولا تتكلم . . . أهذا ميثاق المرید مع شيخه ؟  
الشيخ عيسى : (بطاطى رأسه في امتثال) سمعنا وأطعنا .  
الشيخ طنطاوى : روح بهم لغرفة الملابس .  
(يخرجون)

(سونيا والشيخ طنطاوى وحدهما . . . كلاهما ينظر إلى الآخر . . . سونيا باهرة  
متألقة مثل التفاحة المحرمة . . . والشيخ طنطاوى يذرع جسدها بنظراته في  
مخدي) .  
سونيا : إيه التحف دى . . . هى دى نقابة الشحاتين إياها .

- أيوه يا سنى هى نقابة الشحاتين إياها .  
- أراهنك حاتمجبهم حياة البلاتوه أوى . . . وحايهجروا  
السلك الدبلوماسى بتاعك .

طنطاوى : (وهو يتهاك على الكرسي الأوسط الذى يشبه كرسي العرش) باين  
عليهم القرف التام م الجوى .  
سونيا : (تدور حول الكرسي) ما داقوش طعم المهلبية لسة .  
- ما تستعجليش الأمور . . . هيه . . . إيه أخبارك .

(في أثناء الحوار يكون طنطاوى جالساً وسونيا تدور حوله تحاوره وتناوره  
وتلاعبه وتغازله وتغريبه . . . هو طول الوقت محورها . . . ثم يعكس الوضع  
فتجلس هى ويقوم هو في عصية ظاهرة . . . يدور ويلف حولها ومحاورها في  
توتر وعصية . . . هى طول الوقت محوره) .

- حابتندى البروفات من بكره . . . الكل فى حالة  
استعداد . . . ستاند أبى . . .  
- حانسمى الرواية إيه ؟  
- الحب والحرب .

- (يمسك يدها) اسم جميل . . . فالحب هو الحرب بعينها . . .  
المرأة تعلن الحرب على الرجل من أول نظرة فتحاول أن  
تنتزعه من أهله ومن أصدقائه ومن عمله ومن نفسه . . .  
وتغار عليه حتى من الكتاب فى يده . . . ومن الفكرة فى  
رأسه . . . تغار من نجاحه وكأن نجاحه عدوها . . . الحب  
البشرى أحياناً هو العداوة مقنعة . . .  
- يا ساتر . . . أعوذ بالله ده كلام راجل صوفى يدعو الناس  
إلى الحب . . .

- أنا أدعو الناس إلى حب الله وليس إلى حب المرأة . . . فالله  
وحده هو الذى يُحِبُّ ويُعَبِّدُ لأنه وحده كامل  
الصفات . . . أما المرأة فواجب الرجل العاقل أن يخشاها  
ويحذرها . . .

- (تغازله وتعبث فى شعره) بعد كل إلى عملته . . . تخشاني  
وتحذرنى . . . ألم أعطك كل شىء . . .  
- لتحصلنى على كل شىء . . . لتستولى على روحى ذاتها .

- راحتي روحك لن تكفيني .. صدقتي ..  
 - نعم .. أنت تريدني أرواخنا جميعاً .. تريدني استعبادنا  
 جميعاً .. وبإله من ثمن رخيص في سبيل هدف غال ..  
 (يلفح يدها ويب من كرمه في عصبية) ثم ماذا تفعل المرأة إذا  
 استولت على روح رجل .. إنها تعتبره موضوع انتهى  
 بحثه ، وتلقى به في أول مزبلة وتبحث عن رجل آخر ..  
 عن ضحية أخرى وعبد آخر ،  
 (تنهالك على الكرسي) وهو نفس ما يحدث إذا استولى الرجل  
 على روح المرأة فخضعت له كالعبد الرقيق .. إنه يعتبرها  
 موضوع انتهى بحثه ، ويرمى بها في أول مزبلة ويبحث  
 عن ضحية أخرى .. وجاريه أخرى .. إن الممل القاتل  
 واستنفاد اللذة يترصد للثمين طول الوقت ..  
 - (بدور حوها) والمرأة تحاول أن تصرع الممل بالغيرة .. إذا  
 رأت أن رجلها بدأ يطمئن إلى حبا تعطي نفسها لآخر  
 ليجن جنونه ..  
 - أقل ما يرضيني أن تجن بي ..  
 - رأيت .. هي إذن معركة .. حرب .. شر .. قتل ..  
 - (تغازله وتعابه وتمسك بيده) بل هي اللذة واشتعال  
 الأعصاب .. يا برهومي حاقنتك .. حاقنتكو كلكم ..

- مش حاتكون مسألة سهلة ..  
 - أنا سونيا .. أنا الدنيا .. أنا وصفة بحربة بطول  
 التاريخ ..  
 - أنا أكرهك ..  
 - (تقوم إليه في تحدي) وبتحبنى بتعبدني .. وغيرت حياتك  
 كلها عشاني ..  
 - أكرهك (بعضها في يأس وضعف) أحبك .. أنت الشيطان  
 نفسه .. عاوزه مني إيه (في تشنج) عاوزه مني إيه ؟  
 - حاجات كتيره .. إحنا لسه في أول الشوط .. إحنا لسه  
 في حرف الألف ..  
 - أنت هلاكي .. أنت هلاكنا كلنا .. (ينفض ذراعها عن  
 جسده) دي أذرع أخطبوط .. سجن .. زنزانه ..  
 - زنزانه في الجنة ..  
 - زنزانه في الجحيم .. حاطم قضبانها ..  
 - فات الأوان يا برهومي والقطر قام .. مش حاتقدر تنظ  
 منه .. إلا إذا كنت عاوز تتحرر .. والمؤمنين  
 مايتتحروش ..  
 - ربنا حاينجيني منك ..  
 - وليه بتتصور إن ربنا في صفك ومش في صفي .. ربنا

أعطاك يد قوية تقتل بها الحشرة وأعطى الحشرة جناح  
تهرب بيه منك .. ربنا مع الكل .. وإذا كان ربنا  
يحمي الحشرات م الإنسان يبقى من باب أولى يحمي  
الستات م الرجال المجرمين أمثالك حتى ولو كانوا أوليا .

- قريبي الكلام ده فين .. ده مش كلامك .  
- في رواية مثلها السنه اللي فاتت .

- من تأليف الحشاشين السكيرين مخاييل العقول أنصار  
الحشرات أصحابك .. ولكني بطمنك .. فالله مع  
أوليائه بل هو دائماً ناصر أوليائه .. ولكن السؤال .. هل  
أنا من أوليائه .. هل ما زلت من أوليائه .. السؤال ..  
من أنا الآن .. ومن أعبد .. من أعبد .

- بتعبدني يا حبيبي .. ده سؤال بسيط جداً .  
- كذب .. كذب .. كذب .. ده مش حاجصل أبداً .

- اتشنج يا حبيبي زي ما انت عاوز .. لكن الحقيقة هي  
الحقيقة .

طنطاوى: (في صوت حاد وقد أفاق غاماً) الحكاية لسه ما انتهت  
يا سونيا .. احنا لسه في أول الشوط .. لسه في حرف  
الألف زي ما قلت .. ما تستعجلش .  
(صوت جرس ثم يدخل خادم يتقدم من سونيا ويميل على أذنها) .

سونيا : (ناظرة إلى طنطاوى) هيئة الإدارة عاوزة تتعرف عليك .

طنطاوى: يتفضلوا .

(يخرج الخادم مسرعاً) .

(يدخل في أعقابه أربع رجال يلبسون القبعات والقمصان المشجرة ..  
شعورهم مرسلة وأزيائهم فيها إغراب الفن والحرفة .. وشكلهم كرجال  
العصابات) .

سونيا : أقدم لك هيئة إدارتي .. «جدو» المدير المالي في جيبه دفتر  
شيكات بمليون جنيه ..

«أونكل» الرأس المخطط والدماغ الجهنمي للفرقة .  
«وتوتو» المخرج «وجيمي الفونت» مصمم الرقصات  
ودرويشنا المغفل اللي بيسكر ليل نهار ويقول إنه عاوز  
يكون صادق مع نفسه .

طنطاوى: (ساعراً) إلی بیسکر عندکو لیل نهار بتسموه درویش .

سونيا : درویش مودرن .

طنطاوى: تقدم عظیم في استخدام الألفاظ .

سونيا : الدنيا بتتطور يا برهومي .

جيمي الفونت : (يخرج زجاجة الخمر من جيبه) دى السبحة المودرن ماركة

جيمي الفونت ..

طنطاوى: بتسبح بتقول عليها إيه يا فونت .

جيمي الفونت : بقول يا زمن زفت .. زفت .. زفت .. زفت ..  
 زفت .. زفت .. زفت .. زفت .. زفت .. زفت ..  
 طنطاوى : (ضاحكاً) لا صدقت .. درويش مودرن فعلا .  
 جيمي الفونت : المهم تكون صادق مع نفسك يا مسيو شيخ ..  
 والباقي طظ (يجرع من الزجاجه) طظ .. طظ .. طظ ..  
 طنطاوى : (لسونيا) عندك هيئة إدارة ممتازة يا مدام سونيا .  
 سونيا : كلها تحت أمرك يا برهومي .  
 جدو : تكاليف بناء المسجد بلغت ميت ألف جنيهه وتكاليف إنشاء  
 مدرسة تحفيظ القرآن بلغت عشرين ألف جنيهه .  
 ونفقات البروفات والتصوير والملابس الخاصة بالرواية  
 الاستعراضية وصلت ميه وخمسين ألف جنيهه .  
 سونيا : كل طلبات برهومي تجاب فوراً .  
 أونكل : ع العموم سيدنا حاشوف عرض عظيم برضيه .  
 جدو : البروفات حاتكون مفاجأة .  
 جيمي الفونت : حاشوف فن يا شيخ مسيو برهومي .. فن الخواجا  
 فونت .  
 طنطاوى : إذن تأجل الكلام إلى ما بعد مشاهدة البروفات وإلى اللقاء  
 غدًا .. إلى اللقاء مع الفن .. ومع الفونت .

(ستار)

### الفصل الثالث

(صحراء .. ليل

نفس مكان الفصل الأول لكنه الآن بضج بالحياة والحركة .. أسلاك النور تمتد في  
 الفضاء والتوصيلات والأعمدة والكابلات في كل مكان .. ولبات كهربائية كبيرة  
 تنقل من الأعمدة وتحيل ليل الصحراء إلى نهار  
 باللونات الزينة والبطيخ الأحمر والأزرق والأخضر تنقل حول الخيام .  
 هناك ساحة في وسط الخيام تستغل كبلاتوه للتصوير وحولها كاميرات سينمائية .  
 لوحة بالتعليقات تنقل من مكان ظاهر في المسرح مكتوب عليها .. «ممنوع القبلات  
 والأحضان» .. ولوحة أخرى مكتوب عليها .. «ممنوع هذه المشروبات : النبيذ  
 والويسكي والبراندى والعرقى والبيرة والزيب - إمضاء الشيخ طنطاوى» ولوحة ثالثة  
 مكتوب عليها .. «ممنوع لحم الخنزير» - إمضاء الشيخ طنطاوى .  
 فرقة سونيا المسرحية تشاهد في الساحة في حالة حركة دائبة ونشاط .. من  
 الرقصات .. ماريكا وزازا ونانا وفانى وراشيل .. ومن الممثلين سوسو وبوسو وميمي  
 وجيمي .. المخرج توتو يقف عند إحدى الكاميرات .. ومكتب صغير يجلس عليه  
 «أونكل» وإلى جواره المعجوز «جدو» .. أغلب أفراد الفرقة يلبسون القبعات ويطلقون  
 اللحي العجيبة والسوالف والشوارب ويرتدون القمصان المشجرة والبلوزات الحمراء  
 والبتلونوات المحزقة .

أحمد وعيسى وزكريا وعيسى واسماعيل وإدريس هم الآن عمال وموظفون  
وخدم . . . يظهرون بين وقت وآخر وهم يكسبون أربابون الطلبات أو يساعدون  
الأرست على ارتداء وخلع ملابسهم أو يساعدون في تغيير الديكور .

نسمع كلمة «ستاند باي» من المخرج . . . ثم تضاء الكشافات وتروى رقصة «الحب  
والجنس» تقوم بها الراقصات مع الممثلين .

حركات تعبيرية تروى قصة الحب من أول نظرة إلى السلام والكلام فاللقاء فالقبلة  
فالعناق فالفرش . . . إلى أن يأتي المأذون في النهاية فيعقد العقد .

بدخل الشيخ طنطاوي في ذراع سونيا في بذلة بيضاء أنيقة وقد شذب شاربه  
وهندس سوائفه . . . مازال مهيب الطلعة . . . سونيا في ثوب أحمر طويل فاتن . . .  
ظهرها عريان . . . وشعرها المذهب يهوج على ظهرها .

تكون دخلته في ذراع سونيا في لحظة تبادل القبلة بين الراقص والراقصة فيهتف  
مستكراً وهو يخلع نفسه من ذراع سونيا ويتقدم إلى الراقص فيبعد شفتيه عن شفهي  
الراقصة .

- أنت ما قريتش اللايحة . . . قلنا ممنوع القبلات .

المخرج توتو : دي مش قبلة يا مسيو برهومي . . . دي أداء تعبيرى . . .  
فن . . . باليه . . . ابستراكت . . . حاجة راقية غير المسخرة

إلى انت عارفها .

- ممنوع القبلات يعني ممنوع القبلات .

سونيا : أوامر برهومي تمشى من غير مناقشة يا توتو .

- لكن الرواية . . . الحكبة . . . التسلسل . . . الرقصة بتعبر عن

حكاية حب . . . نظرة فإبتسامة فموعد فلقاء فقبلة فعناق . . .

حلقة بعد حلقة . . . نعمل إيه في حكاية القبلة .

الشيخ طنطاوي : (بهرش رأسه) ممكن تكون قبلة في الهوا بدون

تلامس . . . يعني شبرين مسافة بين البنت والولد .

(بشرح عملياً على البنت والولد)

جيمي : (ساعراً) بيعت لها بوسة في الهوا . . . افهم يا أستاذ .

توتو : طيب حاضر . . . أمرك . . . ستانديباي . . . نعيد اللقطة

حسب أوامر مسيو برهومي .

(يعود العرض من جديد إلى أن تصل القصة إلى العناق والفرش . . . نرى

حركات راقصة إغالية تعبر عن الجنس . . . بصرخ الشيخ طنطاوي في  
استنكار) .

- عظيم . . . مذهش . . . Formidable Superb . . .

شيء رائع يا أستاذ توتو . . . دعاية عظيمة للدعارة على

موسيقى شتراوس . . . تطور مذهل لفن الانحطاط . . . من

أى ماخور جيت الفن ده يا أستاذ .

جيمي الفونت : (الذي وضع تصميم الرقصة) ده كوريجرافى مودرن

يا مسيو برهومي .

طنطاوي : من أى بيت سرى استوردت الكوريجرافى المودرن ده .

جيمي الفونت : من باريس . . . آخر صيحة في باريس .

طنطاوي : دي صيحات من اختصاص بوليس الآداب في كل



مكان .. دى مخدرات مهربة فى علب ملبس مؤامرة على  
الجماهير .. تسول جنسى لصالح الشباك وجيب الست  
سونيا .

صمت تام

(تبادل الفرقة النظرات)

(أونكل وجدو ينظران لبعضهما ، وللشيخ طنطاوى نظرات ارتياب) .

سونيا : (تقطع الصمت فى رقة) برهومى .. أنت أعصابك ثابرة  
النهاردة أكثرم اللازم .. أسأت الظن بالأولاد والبنات  
بدون داعى .. وضخمت المسائل .. والأمر أتفه من  
الثورة دى كلها .. مؤامرة وجماهير ومخدرات مهربة  
(تضحك) إيه ده .. أنت عندك النهاردة نوبة زعامية  
خطيرة .. كريزة مش مفهومة .. الحكاية بسيطة أوى ..  
ممكن تعدل فى الكوريوجرافى زى ما انت عاوز .. اعمل  
إلى يعجبك .. كلنا هنا فى خدمة مبادئك .

جيمى : (ساعراً) ع العموم المأذون حايدخل فى آخر الرقصة ويعقد  
جواز البنت والولد .. يعنى الختام حا يكون شرعى بإذن  
الله .. أستغفر الله إحنا ما نجيش الزنا .

أونكل : تمام كلام «جيمى الفونت» يا مسيو برهومى .. دى  
رقصة شرعية تنتهى بالنكاح الحلال إحنا لا ندعو

إلا إلى النكاح الحلال .. أستغفر الله .

طنطاوى : شىء جميل يا أونكل .. يا داعى إلى الشرع الحلال ..

لكن أظن أنه حتى الأزواج لا يمارسون الوطء الحلال  
أمام أعين المتفرجين يا أونكل .. العملية ليست للعرض  
العلى .. إن الحمل وهو الحيوان الأعجم لا يستطيع أن  
يضاجع الناقة إلا فى الظلام بعيداً عن العيون .. ولورأى  
عيناً تلتصص عليه يمتنع خجلاً .. وهو الحيوان .

أونكل : ولكن إحنا مش حيوانات يا مسيو برهومى .

طنطاوى : بالضبط يا أونكل وعشان كده لا نخجل ولا نستحى من  
أى شىء ، فناكل بدون جوع ، ونشرب بدون عطش ،  
ونقتل بلا سبب ، ونفترس بلا غاية ، ونمارس ألوانا  
من الشذوذ لم تعرفها الطبيعة .. مش كده يا سوسو وبوسو  
وحتوسو (يصرخ) مش كده يا حثالة أرفصة باريس ولندن  
وروما .. مش كده يا زبالة الأجناس البشرية .

سونيا : برهومى .. حبيبي .. ما تفورش دمك .. البرنامج رهن  
إشارتك .. ممكن تعدل فيه زى ما تحب .. مفيش لزوم  
للغضب .

طنطاوى : (فى غضب) طيب .. نشطب اللقطة الجنسية المباشرة ..

سونيا : اشطب اللقطة الجنسية ياتوتو .. الحركات المباشرة بس

هه . . مفهوم . . العرض تانى على بعضه . .  
 توتو : ستاند باى . . كلاكيت . .  
 (تعود الرقصة من بدايتها إلى أن يدخل المأذون فترى شيخاً يدخل مثل  
 الأراجوز بالعمة والجبة والقفطان . . بعد الحركات التي توحى بالعقد يخرج  
 المأذون فتشبه الفرقة بالصفير . . العريس يجرى خلفه وفي يده هراوة في  
 حركات إيمائية كأنما يريد أن يتقم منه وكأنما يريد أن يهوى بها على رأسه  
 انتقاماً للمصيبة التي أوقعه فيها) . .  
 (ضحك مكوم من الموجودين طول الوقت  
 ثم صمت)  
 (الشيخ طنطاوى ينظر حوله نظرة صقراوية وهو يكثر على أسنانه)  
 طنطاوى: مين اللي وضع الكوربوجرافى لرقصة المأذون الشرعى .  
 أونكل : جيمى الفونت .  
 طنطاوى: أظن المره دى مش حاتقول جايه من باريس فهم هناك  
 ما يعرفوش المأذون الشرعى يا فونت .  
 جيمى : لا . . المره دى من تصميمى وتفكيرى .  
 طنطاوى: برافو . . واضح أن لك رأياً عظيماً فى الجواز ، وأنتك  
 بتحترم الشرع أوى . . وبتحب الحلال أوى أوى .  
 جيمى : أنا عارف إن رأى مش حايعجبك . . لكن الحقيقة إن  
 الجواز حاجة زفت . . شىء غير طبيعى . . شىء مقرف  
 يا مولانا لا تؤاخذنى . . أنا فنان ولا مجاملة فى الفن

والصدق مع النفس مذهبي . . مش عاجبك ارفدنى .  
 سونيا : (فى بحث ودلع) دى رقصة كوميك يا حبيبي . . فودفيل  
 خفيف وافتكرك انت معايا إن الجواز أحياناً بيكون  
 مهزلة . . وعشان كده ربنا شرع الطلاق . . والفن متعة  
 ولوتحول إلى مواعظ يفقد وظيفته . . والفونت بينى  
 وبينك معذور . . إسألنى أنا . . أصل مراته بتاكله علقه  
 سخنة كل يوم . . والنهاردة باين عليه واكل كام شبشب  
 (ضحك) . .  
 طنطاوى: (بهرش ذقنه مفكراً) طيب . . موافق . . سجلوا الرقصة  
 بشرط تخفيف لقطات الكوميدي (ينظر إلى سونيا فى ود)  
 هيه . . راضيه عنى ؟  
 سونيا : أوى . . ده انت بتتطور بسرعة مذهلة . . بقيت برهوم  
 مودرن صحيح (تلفعه فى صدره) سبقتنى يا مضروب .  
 طنطاوى: وإيه أخبار الملابس ؟  
 سونيا : وصلت فى صناديقها من باريس . . موديلات تجنن . .  
 آخر صيحة فى الجمال والذوق . .  
 - عاوز أشوفها . .  
 - (تصفق) يا أونكل أطلب عينات من الملابس عشان يشوفها  
 مسيو برهومى . .

أونكل: فوراً . . .  
 (يخفى أونكل مسرعاً من باب خلق) . . .  
 سونيا: ألبير كاردان هو اللي رسم تصميماتها بنفسه . . .  
 طنطاوى: تشرافنا . . .  
 سونيا: كل المواضات الجميلة إالى بتجينا بتطلع من دماغ بير  
 كاردان . . . هو بالنسبة لنا إحنا يا ستات . . . غرفة  
 عمليات . . .  
 طنطاوى: غرفة عمليات . . . شىء عجيب . . . يعنى إيه دى كان  
 سونيا: يعنى هيئة قيادة . . . أركان حرب . . . مارشال مواضات . . .  
 كلمته أمر . . . لما تشوف الفساتين طلعت فوق الركبة يبقى  
 تفهم على طول إن فيه أمر صدر من مكتب بير كاردان فى  
 بارييس . . .  
 طنطاوى: أمر بتشليح كل النسوان . . .  
 سونيا: إيه البشاعة دى . . . ليه كلماتك بشعة كده . . . تشليح إيه  
 وبتاع إيه . . . الحكاية حكاية جمال وفن وذوق وتجديد . . .  
 حاول تتخلص من الجلافة الريفية دى . . . حاول تتطور  
 شوية . . . الدنيا بتجرى . . . بتطير . . . بتركب صواريخ . . .  
 وانت قاعد لسه على دكة الفقى بتقرا فى لوح أردواز . . .

قوم من ع الدكة دى شوية روح بوتيك والا ستريو  
 والا نايت كلوب . . . اتفرج ع الدنيا حواليك . . . شوف  
 طنطاوى: جرى فيها إيه . . .  
 (يدخل أونكل وعلى ذراعه عدة فساتين ههههه مرصعة بنجوم من التتر  
 والألماظ) . . .  
 (سونيا تأخذ أول فستان وتعرضه)  
 شوف المواضات الحلوه . . . ده مثلاً . . . فستان رقصة  
 الحب . . .  
 (ينظر طنطاوى مبهوئاً وهى تقلب أمامه الفستان . . . ويضحكه بعين  
 حالة) . . .  
 طنطاوى: ده فستان . . . أنا مش فاهم لازاى ممكن ده يكون  
 فستان . . . ده كله يتحط فى علبة كبريت . . . ده لا يمكن  
 يستر فرخة . . . ثم إيه الفتحتين الكبار إالى ع الصدر دول .  
 سونيا: ده عشان تطلع منهم الفكهة يا مسيو برهومى . . . عشان  
 يطل الرمان من على شجرة . . . الله . . . ما تفهم بقى . . .  
 طنطاوى: آه . . . عشان صدر الرقاصة . . . الله . . . طيب  
 ما ترقص عريانه وخلاص إيه لازمة الحشمة دى . . . ليه  
 الشرع واخذ حده معا كوكده . . . ليه الطبع الحنبلى ده . . .

سونيا : أوه .. انت فظيع .. دى الصيحة الجديدة .. موضة  
سنة ١٩٨٣ ..  
طنطاوى : إلى رسمها بير كاردان وصدرت بيها الأوامر من غرفة  
العمليات فى باريس عشان تنتشر عندنا .. ويطل الرمان  
من على شجرة .. تعليمات ستراتيجية عجيبة .. ده إيه  
التقدم العظيم ده دنا كنت نايم على روى صحيح ومش  
عارف إيه اللي بيجرى فى الدنيا .. شىء جميل .. وإيه  
النجمة الأماظ دى ..  
سونيا : دى حانكون هنا (تشير إلى بطنها) ..  
طنطاوى : هيه .. على ميدان العتبه الخضراء .. لفت نظر إلى موطن  
الخير والبركة .. إلى كأس التمر حنة وصرة المسك .. حيث  
يجب أن تطوف العيون وتخشع القلوب والأبصار .. شىء  
جميل (يصرخ فجأة) شىء منحط تمامًا .. شىء دنىء  
فاحش داعر سافل ..  
سونيا : بلاش مبالغات أرجوك .. أنا معاك أن العرى حا يصددم  
العين فى الأول لكن بعد كده حا يبقى مألوف وعادى لما  
يتشرب .. وبعدين حا يبقى عرف وتقليد .. تمام زى حكاية  
المبنى جيب والميكروجيب .. كل الستات بيلبسوه دلوقت  
بمحكم العادة المعتادة ..

طنطاوى : بالضبط .. ودى خطة المارشال بير كاردان إلى رسمها فى  
غرفة العمليات .. إن الفحش عندنا يبقى العادة المعتادة ..  
سونيا : قصدك إيه ..  
طنطاوى : قصدى إني بديت أشك فى إالى بيجرى حواليا .. دى  
مش حاجات بسيطة مما يمكن أن يسمى موضات  
وتقاليع .. إنما الأمر أخطر وأجل من ذلك بكثير ..  
سونيا : مش فاهمة .. معنى كلامك إنك مش حاتوافق ..  
طنطاوى : (فى جدية كأنما بدأ يكشف أشياء) المره دى المسألة حاتعوز  
تفكير .. تفكير جاد وخطير .. وأفضل إن احنا نأجل  
البت فى الموضوع ..  
سونيا : أنا النهاردة مش قادرة أفهمك ..  
طنطاوى : ولا أنا قادر أفهم حاجة .. الظاهر إني كنت فعلاً نايم  
وغرقان فى النوم .. وإني بديت افتح عيني ..  
سونيا : وحيثأجل البت كثير ..  
طنطاوى : لا .. يمكن بكرة بيتضح كل شىء ..  
سونيا : (تربت على خده فى دلغ) وبين النهارده ويكره تتغير حاجات  
كثير .. زى العادة يا حبوى .. بين يوم وليلة بغيرك ..  
وأطورك ..  
طنطاوى : الظاهر أن التطور اليومين دول بيجرى بسرعة أوى كما لو

كان وراء إيديين شيطانية ..  
 سونيا: إيديين ملائكية وحياتك (تلوح له يديها) تفكر دي إيديين  
 شيطان؟  
 طنطاوى: جازيز شيطان لابس جوائتي حرير ..  
 سونيا: شيطان بالحلاوة دي!  
 طنطاوى: هو دائما بيكون حلو ..  
 سونيا: ومين يقدر يقاومه وهو بالحلاوة دي ..  
 طنطاوى: اللي حايكشف عن وجهه القناع ..  
 سونيا: حاتقدر تكشف عن وجهي القناع ..  
 طنطاوى: لو فقت لنفسى وصحيت صحو تام ..  
 سونيا: كل ده ومش صاحي ..  
 طنطاوى: أبدا .. أنا داينخ .. دماغى بتلف من يوم دخلت الأسلاك  
 والماكينات والأضواء الأرض البكر اللي كنت عايش  
 فيها .. مش قادر أخلا بنفسى لحظة .. دوشة الماكينات  
 دخلت جوه دماغى .. نور الكشافات غشى بصرى ..  
 (يغطي على عينيه) ..  
 سونيا: حظ إيدك على خدى .. (تأخذ أنامله وتمرها على خدها) ..  
 شفت فيه قناع .. وهنا .. وهنا فيه قناع .. (تقبل أنامله في  
 خنان) أنا بحبك من غير أقنعة يا برهومي ..

طنطاوى: (يفتح عينيه بحملق فيها وفي أضواء الكشافات بترنح) النور .. طفوا  
 النور .. كل شىء هنا صناعى .. كل شىء مفتعل ..  
 كل شىء كذب ..  
 سونيا: ما لك .. جرى لك إيه بيت ..  
 (بنالك طنطاوى على كرسي)  
 سونيا: إنت محتاج للراحة يا جبوني .. إنت بتجهد نفسك كثير  
 عشاننا .. روح أودتك مدد لك شوية .. وحاجيلك بعد  
 لحظة ..  
 طنطاوى: (يقف بمسح على عينيه) لا متشكر .. الحمد لله فقت .. كان  
 دوارا عابرا .. نستمر في العمل .. مفيش وقت  
 للدلع .. قولى لى .. إيه أخبار رقصة الحرب .. وصلت  
 الأسلحة المطلوبة ..  
 سونيا: ما تشغلش بالك الأسلحة في الطريق وحاتوصل حالا ..  
 طنطاوى: طيب .. أنا حاروح في مكبتي أستناها .. واستمروا انتوا  
 في عملكم (يلتفت إلى الأولاد والبنات) وحانبه مرة تانية ..  
 إياك حد يخالف اللوائح .. المرة دي مش حاسامح حد ..  
 (يخرج)  
 (بمجرد خروجه نرى المسرح يتحول إلى شقباطات .. وكل ممثل يقفز في  
 بهلوانية وكل ولد يحتضن بنتا ليقبلها فرحا بزوال الكابوس) ..

إيمته . . . خرج الكابوس . . .  
 ما تعالوا نبوس . . .  
 (نرى الشيخ إدريس يرقص ويتنطط مع ماريكا وهي تضحى) . . .  
 شيخ إدريس يا شيخ إدريس . . .  
 ياسلطان الملاحيس . . .  
 شيخ إدريس يا شيخ إدريس . . .  
 ياسلطان الملاحيس . . .  
 (جيمي الفونت يخرج زجاجة شمبانيا من تحت الكرسي ويقبها على له  
 دفعة واحدة) . . .  
 (في دهشة لجيمي) إيه ده يا فونت . . . ممنوع . . . اقرأ اللائحة  
 (يشير إلى لائحة المنوعات) . . .  
 - دى شمبانيا وحياتك . . . غير واردة في لائحة  
 المنوعات . . . الدرويش الكرودية ما سمعش عن الشمبانيا  
 ولا يعرفش إنها منكر . . .  
 (جيمي يتزنج بعد أن التهم الزجاجة ويخرج من المسرح وهو يضحى ويدندن  
 بضمه) . . .  
 جيمي : (يدندن) . . .  
 ترللا . . . إيه . . .

ترللا . . . إيه . . .  
 (يصطلم بأونكل فيهمم) . . .  
 جيمي : ما تفرحش يا أونكل . . . يومك جاى . . . عقبال ما نمشى  
 فى جوازتك . . .  
 (زازا الراقصة الفيديت تدور حول نفسها فى مهارة) . . .  
 زازا إيه رأيك فى الرقصة دى يا فونت . . .  
 جيمي : برافو . . . magnifique . . . charmante . . .  
 زازا : عجبك . . .  
 جيمي : قر . . .  
 زازا : تتجوزنى يا فونتوتو . . .  
 جيمي : وليه الأذية دى . . . ما تخليكى كده قر بدال ما اتجوزك  
 وتبقى غراب . . .  
 - غراب غراب مرة واحدة ؟ . . .  
 - وجدأيه وبومه كمان . . . تحولات فزيولوجية اجوازية . . .  
 - مش بتحبنى يا فونتوتو . . .  
 - شفوى مع إيقاف التنفيذ . . . وردة فى جنينه . . . كل واحد  
 فى حاله . . . مش عاوز أقطف . . . لو قطفك خاخطك فى  
 زهرية وبعدين أرميكى فى الزبالة . . . كان لازمته إيه  
 يا فونتوتو . . . ما كنا كويسين يا فونتوتو . . .

- شربات يا فونتوتو .

(بمخرج جيمي من المسرح وهو يدندن) .

يليجوزونا ليه . . .

ترللا ليه . . .

ترللا ليه . . .

(نرى أونكل وجدر وسونيا يسمي كل منهم إلى الآخر ويقفون متقاربين . .  
رءوسهم تميل على بعضها البعض في شكل يدل على أنهم يتهامون  
بأسرار) .

(تخفت ضجة المسرح حولهم . . وتظهر الرؤوس الثلاثة في دائرة ضوء  
واحدة ونسمع الوشوشة) .

جدو : (لسونيا) إيه أخبار مولانا الشيخ .

سونيا : ما نطمئنش أوى . . لكن البداية مش بطالة . . سمعته

قدامكم بيصرح بالقبلات بشرط أنها تكون في الهواء ،

وبالرقص الجنسي بشرط أنه يكون غير مباشر ،

وبالكوميديا إلى ضربنا فيها المأذون بالنبوت ، وامبارح

أخذت منه تصريح بشرب البيرة ، على أنها مشروب

لا يخيف غير مسكر ينشط الكبد ويدبر البول . . والبقية

تأتى . . ولما تبندى التنازلات ما بنتهيش . . وإذا نجحت

الخطة زى ما رسمناها ، مولانا الشيخ حايقى بعد أيام مفتى

الانحلال الرسمي ، يفتى بالخمر الحلال والوطء (يضحك

الثلاثة على كلمة الوطاء كما تنطقها سونيا) ، والوطء الحلال

الزلال . . . ويحول البلد إلى شعب محلول مغنى عليه . .

وباقى العملية حاتكون أسهل علينا من قرقرزة اللب . .

حانستولى على الأرض والناس زى ما ينبغي فراخ مغنى

عليها في أقفاص . .

لكن زى ما قلت لكوا . . لسه مش مطمئة أوى فهو بدا

يشك ويفوق ويصحى ويفتح عينيه . . الودى حاجات

ما يصحش تحصل . .

البركة فيكى . .

أونكل : وفي العرقسوس اللي فيه أفيون L.S.D. وارد فرنسا

سونيا : لازم نزود الجرعات ونستعمل كميات أكبر من الأفيون .

جدو : سبقناكى في مراعات المسألة دى .

سونيا : وإيه أخبار الدراويش .

أونكل : الشيخ إدريس غرق في المهلبية ، والباقي في حالة ذهول

يتحركوا زى الآلات . . والشيخ عيسى مبوز ومكشر وفي

حال صيام مستمر ، وآخر أخباره أنه دخل المسجد

واعتكف وضرب ماريكا لما دخلت له بالأكل .

سونيا : سيوه في حاله وراقبوه من بعيد .

أونكل : أنا عندى تحذير أهم .

(سوسو وبوسو ينظران إلى قامته الفارحة وإلى تكوينه العضلي الرجولي ويفكر كلاهما في نفس الشيء في وقت واحد) : بوسو  
 بوسو : زكريا .. تعال سرح لي شعري ..  
 سوسو : زكريا .. تعال قلعي البلوزة .  
 (زكريا يساعد سوسو في خلع البلوزة)  
 سوسو : (يعطيه بونبونة في فمه) ذلك لي ضهري .  
 (زكريا يبدلك ظهره) .  
 سوسو : ذلك هنا .. الروماتزم هنا .  
 (زكريا يبدلك له المكان الذي أشار إليه) .  
 سوسو : لا ذلك هنا .. الروماتزم هنا .  
 (زكريا يبدلك له كما أراد) .  
 سوسو : عددي على بالليل .. عندي لك هدية .  
 بوسو : زكريا .. سرح لي شعري .  
 (زكريا يتحول إلى بوسو ليشط له شعره الطويل الذهبي)  
 بوسو : زكريا .. تحب الملبس .  
 زكريا : متشكر .  
 (يدخل الشيخ طنطاوي .. يفهم ما يجري بنظرة واحدة)  
 طنطاوي : (يهض في حدة) زكريا .  
 (يتنفض زكريا ويقع المشط الذي كان يسرح به شعر بوسو من يده) .  
 (سونيا تنظر إلى ما يجري بعين ناعسة) .

سونيا : إيه هو .  
 أونكل : جيبي الفونت ما يصحش يعرف حرف من الخطة .  
 جدو : مؤكد .. ده راجل مجنون .. فنان منحل لحسابه الخاص  
 لا يمكن يشتغل لحساب حد .. رجل ييسكر لمزاجه  
 الشخصي .. فونت .. لا يهيمه حد ولا بتهمه حاجة ..  
 كل همه أنه يكون صادقاً مع نفسه .  
 أونكل : وعشان كده نسيه لنفسه .  
 سونيا : ويبقى أفضل لو نسكره حبه زيادة عشان ينام على روحه  
 أكثر ، ويربحنا من حكاية صدق نفسه مع نفسه .  
 أونكل : البركة ف جدو .  
 جدو : والكورفواسيه نابليون إلى عمره سبعين سنة يا متر .  
 سونيا : لازم نشغل بسرعة ونسبق المفاجآت .. افتحوا عينيكم  
 كويس .. ساعة الصفر قربت .  
 (تطفى دائرة الضوء التي تسبح فيها الرؤوس الثلاثة .. ونراهم يتصافحون  
 ويتفرقون) .  
 (سونيا تمعدد على شيزلونج في مقدمة المسرح وتشعل سبجارة وتدخن)  
 (سوسو وبوسو شابان محنتان في عمق المسرح يتمرنان على الرقص ،  
 شعرهما مرصلة حتى الكفين ، في شفاهما روج وفي غدودهما أحمر ،  
 ولبسهما فاقع ، وحركاتهما أنثوية) .  
 (زكريا يكس الأرض) .



طنطاوى: لا .. أرجوكى (يعد يدها) ..

سونيا: زى ما انت عاوز ..

تعود فريت على رأسه فى حان) ..

سونيا: مش بتحس بالسعادة والفرح وإنك بتشوف الأرض

الخراب إلى كنى ساكنها والمزابيل إلى كنى بتنام فيها

دخلها المدنية ودخلها النور والمية والتلفون والتلفزيون

والراديو والكتب والمجلات وموسيقى هايدن وموزار ..

طنطاوى: أوى .. ومزيكة تشاتشاتشا والأفلام العريانة والسجاير

المخشية بحشيش الماريجوانا والانحلال والشذوذ وغنوة أوه

كريستين: Une autre fois

سونيا: (تضربه على خده وتقبله) إزاي كشفت كل الحاجات دى

يا برهومى يا عفريت ..

طنطاوى: دى حاجات انتشرت أوى وما بقتش محتاجة لمكتشفين ..

وكالعادة المسائل اللذيذة بتروج لنفسها بسرعة والعملة

الرديئة بتطرد العملة الجيدة من السوق .. دى قوانين

الدنيا المنحطة بتاعتنا ..

سونيا: وإنك إيه مزعلك من الحاجات دى .. ما تسبب الشعب

يتمتع ويفرغش بعد طول حرمان .. ده حقه .. هو النعيم

كفر؟

طنطاوى: بتعمل إيه ..

زكريا: (فى براءة) بسرح شعر بوسو ..

طنطاوى: روح أودتك فوراً ..

زكريا: حاضر ..

(ينصرف زكريا ويتبعه سوسو وبوسو ولا يبقى على المسرح إلا الشيخ

طنطاوى وسونيا) ..

(الشيخ طنطاوى يظلمت حوله فى ارتياب) ..

طنطاوى: أنا مش فاهم إه اللى بيحصل حواليه فى الماخور ده ..

ومش فاهم إيه اللى بيحصل لى أنا كمان .. شاعر بجيوتنى

بتسرب منى كأتى إناء فيه آلاف الخروق ..

(ينهاك متعباً على كرسى بجوار سونيا وهو يمسك رأسه بين يديه .. سونيا

تأخذ رأسه على صدرها وترت عليه فى حان) ..

سونيا: برهومى حيبى .. إنت بيتبأ لك حاجات مالمهاش

وجود .. إنت مجهد .. ومحتاج لراحة ودى كل

الحكاية .. خذ لك شقطة منعشة من شراب العرقسوس

اللى بتحبه ..

طنطاوى: لا .. بلاش .. بيتعب لى أمعالى ..

سونيا: مش معقول .. ده أحسن علاج للأمعاء .. ده موصوف

لأمراض المعدة والأمعاء .. خذ ..

طنطاوى: الحمره والمخدرات والحشيش مش نعيم . . . ده هروب عن  
النعيم ومن الشقا سوا . . . ومعناه إن احنا ندى زهرنا  
للمشاكل وننام . . .  
سونيا: ما تسيبهم يناموا شوية . . . إيه الضرر؟  
طنطاوى: حايناموا طوالى نومة أهل الكهف ويصحوا بإذن الله على  
أبواب خراب أسوأ من كل خراب فات بدلنا  
سونيا: أما انت متشأم صحيح . . . وليه تنسى الجوانب  
المضيقه . . . ليه تنسى إن احنا جنبنا لكو العلم . . .  
طنطاوى: (ساعرا) جبتو لنا العلم . . . أى علم . . . جبتو لنا التلفزيون  
والطيارة والصاروخ والعقل الألكترونى . . . نشتره منكم  
وما نعرفش نعمل زيه . . . ده يبقى علم . . . ولا نص علم  
ولا ربع علم . . . دى سريقة . . . ادبتونا قشرة علم وأخذتم  
منا كل البكاره وكل الخامات وكل الكنوز . . . سرقونا  
ونهبونا والآخربعتو لنا سوس الانحلال يأكل فى أبداننا  
حتى النخاع (يب صارعا من رقدته) انتوا . . . ضيعتونا . . .  
إحنا ضعنا . . . ضعنا . . . أنا عاوز خرابى القديمة . . . مش  
عاوز منكوا حاجة . . .  
سونيا: إنت حاترجع لفلسفتك التخريفية بتاع زمان والكلام  
النظرى الفارغ إالى لا يودى ولا يجيب . . . خد إشرب . . .

ده علاجك من مرض أينشتين بتاعك . . .  
طنطاوى: مش حاشرب . . .  
سونيا: لازم تشرب عشان تفوق لعملك ومسئولياتك . . . إنت  
ناسى إنك بقيت أهم راجل فى القيادة الفكرية والدينية  
لبلدك (تقرب منه الكأس فيترعها ويلقى بها على الأرض) . . .  
طنطاوى: (فى تمرد) سيبنى لوحدى . . .  
سونيا: (فى حنان) جرى لك إيه . . . إنجنتت . . .  
طنطاوى: لا . . . عقلت . . . فقت . . .  
سونيا: وحاتعمل إيه . . .  
طنطاوى: حارجع كل شىء لأصله . . . حاكرشكم كلكم وارجع  
لخرابى القديمة . . .  
سونيا: ما عاوش ممكن . . . عجلة التطور بتمشى فى اتجاه واحد  
ومش ممكن حاتقدر ترجع بيها لورا . . . مش حاتقدر  
ترفضنا . . . ما تقدرش ترفض العلم . . .  
طنطاوى: أنا مش حارفض العلم . . . أنا حارفض التوظيف السيىء  
للعلم . . . العلم سلاح محايد . . . ممكن يبقى قنبلة ذرية  
مهلكة . . . وممكن يبقى طاقة خيرة تثور مدينة . . . ممكن  
الراديو يتقف ويعلم ويفيد، وممكن يضيع ويتلف  
ويحرب . . . ممكن يذيع الصدق وممكن يذيع الكذب . . .

أنا حاخذ العلم وأوظفه على مرادى ولقائدتى ولخبرى وخير  
 الناس ، وحاخذ العلم من منبعه مش من ايديكم عشان  
 آخذ كل العلم مش نص العلم وربيع العلم وقشرة علم.  
 سونيا : (مادة يدعاه) وتنسى الايدى الى ادتك كل أموالى وثرواى  
 تصرفها على مبادئك وأفكارك .  
 طنطاوى : ده الشىء الى مش قادر أفهمه .  
 - ولغاية دلوقت يتاخذ وتصرف زى ما انت عاوز .  
 - وده هو الشىء المريب .  
 - بتقول المريب .  
 - لأن الكرم الحاتمى الى يبدو فى ظاهره خير ، سرعان  
 ما يتحول عند التنفيذ الى شر مستطير ، وتدمير للأرواح  
 والنفوس ، وكان فيه ايدين خفية بتحوله بلمسة سحرية  
 من ترياق الى سم . مش عارف ازاي . فيه حاجات  
 مش فاهمها (يقفز من كوميده) لابد من العمل . لابد من  
 كشف الايدين المجرمة الى بتخرب كل شىء .  
 سونيا : (تهب من رقدتها عند سماع كلماته محاطبة نفسها بنبرة ذات معنى) عندك  
 حق . لابد من العمل بسرعة . قبل ما يسرقنا الوقت .  
 (تنفخ واقفة) .  
 سونيا : حاسبتك عشان أجهز لاستعراض الحب والحرب .

(تخرج سونيا مسرعة) .  
 (الشيخ طنطاوى يذرع المسرح ذهاباً وجيئة فى خطوات عصبية ثم ينادى  
 فجأة) .  
 - زكريا . . زكريا . .  
 (بدخل زكريا)  
 طنطاوى : اجمع لى أصحابنا كلهم فوراً . روح قوام مستنى ايه .  
 زكريا : الشيخ عيسى معتكف فى المسجد ومش عاوز يطلع منه  
 طنطاوى : قله له يحضر فوراً . قل له إنى بأمره .  
 (تخرج زكريا ويعود طنطاوى الى فرع المسرح ذهاباً وجيئة) .  
 طنطاوى : (يكلم نفسه) عاوز أعرف ايه الى بيجرى فى الخفاء ، عاوز  
 أعرف الايدين الى بتخرب ، ولحساب مين بتخرب . .  
 فيه إغراق متعمد لكل شىء فى الجنس والعرى والمخدرات  
 والهزل . . كل محاولة للبناء بتنقلب لمشروع للهدم . . كل  
 واحد له وشين ، ابتسامه ع الفم وخنجر فى الضهر . .  
 مبادئ على اللسان ، وخراب فى القلب . . إيمان فى  
 العلانية ، وكفر بكل شىء فى السر . . الكل بيحاول  
 يخطف لذة سريعة بأى ثمن . . حتى أنا . . بتغير شوية  
 شوية من غير ما أحس . . حتى أنا . . أتزهل . . واتحلل  
 كثيرة طيبة تتعفن .

وأونكل . . دخل علينا الخواجات قدمنا لهم أرضنا  
 وبعدين حفرناها بإيدينا وقدمنا لهم كتوزها . . وأسوأ من  
 ده كله (بنغمة ذات معنى لذكريا) بنأدى لهم خدمات تانية في  
 السر . . لسوسو وبوسو .  
 زكريا : قسماً بالله . . ما رضيت أعمل الحكاية دي أبداً ورجعت  
 لهم فلوسهم . .  
 قسماً بالله ما خطر على بالي إنهم كانوا عايزين مني الحكاية  
 دي . .  
 طنطاوى : كانوا عايزين يدمروك .  
 زكريا : فهمت كل حاجة الآخر لكن ماقدرتش أتكلم .  
 طنطاوى : (لإسماعيل) والمخدرات اللي سمعت إنهم بيوزعوها عليكم .  
 إسماعيل : والمصحف الشريف كنا بتأخذها منهم ونرميها في  
 الصحراء .  
 طنطاوى : وليه كنت بتأخذها وليه ما تقولشي .  
 إسماعيل : خفت منك .  
 طنطاوى : مين إالى كان بيوزعها عليكم .  
 يحيى : فيتوريو مساعد المخرج توتو .  
 طنطاوى : الإيطالي الصعلوك . . وكان يقول لك إيه .  
 يحيى : كان يقول لي . . أبسط نفسك وابسط أصحابك

(يدخل الدراويش)  
 طنطاوى : (بتأكد من وجودهم جميعاً) أحمد وذكريا ويحيى وإسماعيل  
 وإدريس . . فين إدريس .  
 زكريا : نايم سكران في البار .  
 طنطاوى : بقي واحد منهم . . كان ييمثل على نفسه الإيمان . .  
 سيبوه . .  
 (يدخل عيسى كتيماً عابساً كجومة في خرابة ، نظراته حادة كأنها عناجر  
 مصوبة إلى صدر الشيخ طنطاوى) .  
 طنطاوى : أنا عارف إنت عاوز تقول إيه . . لكل كان لازم ننزل  
 للدنيا ونعيشها على حقيقتها قبل ما نحاول نعمل أى  
 حاجة . .  
 عيسى : وقدرت تعمل أى حاجة . . كلنا غرقنا في العسل اللزج  
 وبلعنا دوامة الرمال الناعمة .  
 طنطاوى : لسه قدامنا فرصة . . دوامة الرمال الناعمة ما طمستش  
 على أبصارنا . . لسه بنشوف .  
 عيسى : بنشوف إيه ؟  
 طنطاوى : إحنا أبناء البلد . . الأرض أرضنا والوطن وطننا بنخدم  
 على الترابيزات ، ونقدم الطلبات ونكنس البلاط وخيرات .  
 بلدنا وثرواتها في إيدين سونيا وتوتو وسوسو وبوسو وجدو

وفرفش .. إنتو بتقولو عندكو .. قول يا باسط وطول  
 ما انت حتى رزقك جاي ..  
 طنطاوى: كان .. يفتى فى الدين ، وبصوره لنا على أنه دين  
 مخدرات وحشيش ، وقول يا باسط ، وطول ما انت حتى  
 رزقك جاي .. رزقك جاي منين .. من المقشة وهو  
 واخذ البلد نهبه وعاوز ينومك بالمخدرات عشان تنام على  
 حقوقك .. مسيو فيتوريو الصعلوك يفتقنا فى الدين ..  
 لكن الحقيقة الحكاية مش فيتوريو .. فيتوريو مجرد دمية  
 ومن وراها خيوط بتحركها ، وإيدى كبرى خفية بتحرك  
 الخيوط وأدمغة جهنمية تحرك الأيدى ..  
 مين هم أصحاب الأدمغة ..  
 هو ده السؤال ..  
 عيسى : لا بد من كشف كل شىء ..  
 أحمد : لابد من العمل فوراً ..  
 طنطاوى: اخرجوا كلكم .. وكل واحد يكون عين ومرصاد ..  
 لازم نعرف كل شىء ..  
 (مخرجون) ..  
 (طنطاوى وحده .. يلرع المسرح فى عصية .. بعصر يديه .. يخط على  
 جهته) ..

طنطاوى: حتى أنا .. اترهل .. واتحلل .. كشمرة تعفن .. واقعد  
 العزم والهمة والنقاء والوضوح حتى أنا ..  
 (بدخل جيمى الفونت يترنح من السكر ويدندن) ..  
 جيمى .. بيجوزونا ليه ..  
 ترللا ليه ..  
 ترللا ليه ..  
 بيجوزونا ليه ..  
 ترللا ليه ..  
 ترللا ليه ..  
 ترللا ليه ..  
 (يكشف وجود طنطاوى) ..

جيمى : (يقبل عليه باهتامة لطيفة بريئة) إنت هنا يا مسيو برهومى ..  
 (يمد يده ويرت على كفه) أنا بجدك يا شيخ مسيو برهومى ..  
 وعاوز أقولك حاجة .. إنت أصلك راجل طيب ..  
 وابن حلال مصفى .. وأنا قلبى عليك يا شيخ مسيو  
 برهومى .. أوعى تحضر الرقصة الجديدة إالى بيجهزوها ..  
 طنطاوى: (يتلفظ فضوله) رقصة الحب والحرب .. ليه يا فونت ..  
 جيمى : هم بيقولولك البنادق الرشاشة حاترش ملابس وبونبون  
 وشوكولاته على المتفرجين .. بيضحكوا عليك يا درويش  
 يا كرودية .. البنادق حاترش ذخيرة حية .. حاترش  
 الموت ..

طنطاوى: (يقفز عليه ويمسكه من كضبه) فونت .. فوق لنفسك  
كويس .. اصحى .. إنت عارف بتقول إيه .. الكلام  
الى بتقوله ده خطير .. خطير .. خطير ..  
جيمى : أنا شفت صناديق الذخيرة الحية بعيني يا شيخ مسيو  
برهومى .. وشفنهم بيتمرنوا عليها فى الجبل .. أنا سكران  
صحيح لكن فونت .. وطول عمرى كنت راجل  
فونت .. بس الجواز هو الى ضيع أخوك الفونت ..  
أوعى تتجوز (يعود إلى الدندنة والغناء) .

كانوا ييجوزونا ليه

ترلا ترلا .. ليه

ترلا ترلا .. ليه

طنطاوى: (يمسك جيمى ويهزه) فونت .. أرجوك .. فوق لنفسك ..  
فتح عينيك .. شفت إيه بالضبط .

ترلا ترلا .. ليه

ترلا ترلا .. ليه

النهاردة حاياخدوا البلد كلها يا شيخ مسيو برهومى  
حاياخدوها وهى سكرانة مغمى عليها .

ترلا ليه ..

ترلا ليه ..

(يخرج وهو يترنح كما دخل) .

طنطاوى: فهمت .. فهمت .. فهمت كل شىء .. فهمت  
الحكاية كلها .. من أول طرقة على باب كوخي فى  
الصحرا لما دخلت الفتنة وقالت لى إن معاها المال والمدنية  
والنور ، وإنا نضع تحت تصرفى كل شىء .. وإنا  
بتحبنى .. واستدرجتنى بكل السبل لتخلعنى من  
مكاني .. لتستولى على مكاني وبعدين تستولى على الأرض  
وسكانها ، وبعدين تستولى على العقول والقلوب والضماير  
والذمم ، وبعدين تجعل منا خدم وعبيد وجوارى وشعب  
محلول مغمى عليه فى البارات والسكك .

أخيراً فهمت

لكن مفيش حد حاياخد شبر من أرضى .

حاسبتهم كلهم إلى النهاية .

(يخرج كالقذيفة .. على حين يظلم المسرح تدريجياً) .

فترة إظلام قصيرة تعقبها موسيقى تصويرية عسكرية ثم تلى بقعة ضوء  
وسط الظلام على وجوه سونيا وأونكل وجدو وتوتو كأنها وجوه شياطين  
تلعب على أرضية مظلمة وقد مالت بعضها على بعض فى وشوشة .  
سونيا : المدافع البلاستيك اللي كنا بتتمرن عليها فى البروفات  
حانستبدالها الليلة بالمدافع الحقيقية .. الرشاشات اللعب

بالرشاشات الحقيقية . . . وبمب الأطفال بقنابل يدوية . . .  
ومسدسات الصوت بمسدسات موت . . .  
ولما أشد الورد من صدرى عشان أرميها تحية للبطل  
تضربوا النار كلكم فى وقت واحد . . . وانتو عارفين  
حاضرنا على مين . . .  
والباقي سهل . . .  
مش حاتلاقوا مقاومة . . . البلد كلها سكرانة من الشرب  
والرقص والغنا ونائمة على ضهرها من اللذات والإفراط  
والبلادة والتفاهة . . .  
(تنطق بقعة الضوء لتضئ بقعة أخرى فى الجانب المقابل من المسرح  
حيث وجوه الشيخ طنطاوى وزكريا ويحيى وإسماعيل وعيسى وأحمد وقد  
مالت بعضها على بعض فى وشوشة)

عيسى : خدعوننا

طنطاوى : لبسونا خرقه المجدوب وقالو لنا هى الدين . . .

عيسى : غرقونا فى الدعارة وقالو هى الفن . . .

إسماعيل : علمونا الإلحاد وقالو هو العلم . . .

أحمد : فرقونا بالصراع الطبقي وقالوا هو العدالة الاجتماعية . . .

عيسى : وخذوا أرضنا . . .

يحيى : وخيراتنا . . .

إسماعيل : وكنوزنا . . .

عيسى : وثرواتنا . . .

أحمد : والآخر حايقتلوننا . . .

طنطاوى : حانقتلهم قبل ما يقتلوننا . . .

(تنطق بقعة الضوء)

(وبعد فترة ظلام قصيرة يضاء المسرح تدريجياً على مارش عسكري ونرى

الفرقة الاستعراضية كاملة)

(الراقصون والراقصات بملايس حرب عسكرية يضعون المدافع الرشاشة فى

خصورهم ويتحركون فى تشكيلات)

(أونكل يكمن وراء تبة مدفع)

(الخروج توتو فى ثياب مارشال)

(جدو فى عربة مصفحة)

(سونيا فى فستان أزرق طويل فى صدرها وردة)

(الوحيد فى الفرقة الذى يمدو خارج اللوحة وخارج الجو هو جيمى الفونت

الذى يحتضن زجاجته فى ركن ويسكر . . . وقد أعطى ظهره لكل شىء)

(الكل فى انتظار البطل)

(يغنون فى كورس مع حركة التشكيلات أغنية قصيرة تعبر عن انتظارهم

للبطل ، وإنه قادم ومعه المجد والنصر . . . وانهم يتحرقون شوقاً للقائه)

(يدخل البطل . قائد عسكري أوروبى فى ثياب حرب أوروبية يمجرجر وراءه

سرباً من الأسرى الآسيويين)

(تهليل صاحب . . . تتقدم منه سونيا لتأوله الوردة . قبل أن تمد يدها لتتزع

الوردة وتلقبها إليه يظهر الدراويش كالعفاريت كأنما انشقت عنهم

الأرض .. في ثياب مقاتلين عرب وفرسان عرب وفي أيديهم المدافع  
الرشاشة .

الشيخ طنطاوى : (صارخًا) ارفعوا الأيدي .

(بتجمد الكل في أماكنهم من المفاجأة ويرفعون أيديهم تمتد يد أونكل إلى  
مدفنه فيعاجله طنطاوى بوابل من الرصاص يرديه قبلاً) .

طنطاوى : (في هدوء) وقع الحافر فيما حفر .

كنتم تحفرون لنا طول الوقت .

وكانت معاولكم مزوقة جميلة .

مرة اسمها العلم .

ومرة اسمها المدن .

ومرة اسمها الفن .

ومرة اسمها الفلسفات المستوردة والأفكار العصرية .

ومرة اسمها المخدرات والموضات وأدوات الزينة .

ولكن اليوم يتغير كل شيء .

(في صوت بارد قاطع) خدوهم وقيدوهم ورحلوهم لبلادهم  
قبل الفجر . . اليوم تعود إلينا بلادنا وأرضنا وشخصيتنا .

(يهجم عليهم الدراويش ويسوقونهم في طاوور إلى خارج المسرح . . يظهر  
الشيخ إدريس . . كان محببًا مع جدو في العربة المصفحة . . يراه الشيخ  
طنطاوى فيشير نحوه) .

والشيخ إدريس . . معاهم . . ده منهم .

(يسوقون الشيخ إدريس إلى الخارج والبنلقية في ظهره وهو يولول فرعًا)

(ثيابًا فشيابًا يخلو المسرح . . لا يبقى إلا جيمي الفونت وعيسى وطنطاوى)

(يذهب عيسى إلى الفونت ليسوقه إلى الخارج مع أصحابه ، ولكن  
طنطاوى يعترض طريقه) .

طنطاوى : سيبه . . ده معانا .

عيسى : ده كافر .

طنطاوى : بل هو من أهل الصدق .

عيسى : ده ما يعرفش ربنا .

طنطاوى : جاعرفه . . من يتوسل بالصدق يصل .

عيسى : ده سكير .

طنطاوى : ده كان صاحبي أكثر منك (يذهب إليه ويحضنه) ، إن حربته  
حربنا وقضيته قضيتنا . . كلنا نطلب الحق بكل سبيل .

عيسى : بالخمرة .

طنطاوى : (بمحضته) لا . . غدًا يسكر بخمرنا . . خمر الإيمان ويلبس  
ثيابنا . . الثياب التي دخل بها طارق بن زياد أسبانيا ،  
ودخل بها خالد بن الوليد اليرموك . . لن يجردنا أحد من  
تلك الثياب بعد اليوم .

لقد بدأت النهاية وغدًا نغير كل شيء .

(ينزل ستار الحتام على دمدمة الرصاص والمدافع الرشاشة وعلى مارش  
الانتصار) .

95

94

www.alkottob.com



## هذه المجموعة

تحرص دار المعارف دائماً على تقديم الأعمال الكاملة لكبار المفكرين والأدباء. والدكتور مصطفى محمود واحد من هؤلاء الذين أخلصوا للقلم.. فأثرى ساحة الفكر والعلم.. وطرق أبواباً جديدة لم تفتح من قبل.. فتتبع إنتاجه بين القصة والرواية والمسرحية وأدب الرحلات.. إلى جانب تلك المؤلفات التي تحفل بالنظرات المعاصرة للفكر الديني والمقارنة بالنظرات العلمية الحديثة.. والتي لا تزال تثير مزيداً من الجدل المفيد.

وقد امتد تأثير فكر الدكتور مصطفى محمود إلى القراء العرب من الخليج إلى المحيط كما ترجمت بعض أعماله إلى اللغات الأجنبية شاهداً بقدرته على العطاء المتميز المتنوع.



دارالمعارف